

ХФР

1918-yil
21-iyundan chiqqan
boshlagan

№42, 2023-yil
25-oktabr,
chorshanba (32.788)

O'zbekiston O'VOZI

Ijtimoiy-siyosiy gazeta

Birgalikda ijtimoiy davlat sari!

АҲОЛИГА МУНОСИБ ТУРМУШ ШАРОИТЛАРИ ЯРАТИШ — ИСЛОҲОТЛАРНИНГ АСОСИ

Ўзбекистон Республикаси Президенти Шавкат Мирзиёев ҳудудлар ривожига билан танишиш мақсадида 24 октябрь куни Қашқадарё вилоятига келди.

Давлатимиз раҳбари бутун фаолияти давомида ҳар бир соҳа бўйича бевосита жойларга чиқиб, халқ билан мулоқот қилиб, аҳоли ҳаётидан келиб чиқиб иш юритади. Мамлакатимиз ҳудудларига ташрифлардан асосий мақсад — қишлоқ аҳолисининг турмуш даражасини кўтариш, туманларни саноатлаштириш, иш ўринларини кўпайтириш, ижтимоий шароитларни яхшилаш.

Бу жиҳатлар Қашқадарё вилоятига ташрифда ҳам намоён. Давлатимиз раҳбари дастлаб "Sulton Tex Group" кластерининг тўқимачилик корхонаси фаолияти билан танишди.

Бу корхона умумий қиймати 8 миллион 200 минг долларлик лойиҳа эвазига ўтган йили ишга тушган. Замонавий технология ва ускуналар самарасида йилига 5 миллион дона тикув-трикотаж маҳсулотлари тайёрлаш қуввати яратилган.

Этиборлиси, кластер "янги маҳсулот — янги давлат" принципи асосида экспортни йўлга қўйган. Бугунги кунда сифатли товарлар Америка Қўшма Штатлари, Канада, Польша, Сингапур, Россия каби мамлакатларга тўлиқ экспорт қилинмоқда. Даромад, иш унумдорлиги ҳам шунга яраша юқори. Кластерда пахта етиштириш ва ишлаб чиқаришнинг тўлиқ занжирида 3 мингга яқин аҳоли меҳнат қилмоқда.

Президент корхонадаги иш жараёни билан танишди. Бундай лойиҳаларнинг вилоят иқтисодиёти ва аҳоли бандлигидаги аҳамияти ҳақида фикр билдирилди. Мутасаддиларга бу соҳада имкониятлар тўлиқ ишга солилмаётгани кўрсатиб ўтилди.

Маълумки, Қашқадарё вилоятида юртимиздаги энг кўп пахта етиштирилади. Лекин уни қайта ишлаш, тайёр маҳсулотга айлантириш ҳажми кам. Масалан, мато тўқиш ва бўяш йўлга қўйилса, туманларда кўшимча 60 минг кишини банд қилиш мумкин.

Шу мақсадда "20 минг тадбиркор — 500 минг малакали мутахассис" дастури "Султон стайлз" корхонасида ҳам татбиқ этилмоқда.

Шу ерда давлатимиз раҳбарига Шахрисабз, Китоб ва Қамаш туманларида туризмни ривожлантириш лойиҳалари тақдимот қилинди. Қишлоқларда инфратузилмани яхшилаб, сайёҳлик йўналишларига киритиб, аҳоли учун даромад манбаларини кенгайтириш бўйича кўрсатмалар берилди.

Давлатимиз раҳбари Қашқадарёга ташрифи



чоғида режадан ташқари тарзда Қарши тумани тиббиёт бирлашмасига борди.

Унинг биноси ўтган асрнинг 60-70-йилларида қурилган. Шифохона 228 бемор ўрнига ва поликлиника 250 қатновга мўлжалланган. Ҳозирда тумандаги 243 минг аҳолига хизмат кўрсатади. Лекин бу ердаги шароитлар шунча қамровга ва замон талабига мос эмас. Айрим жиҳозларни янгилашга зарурат бор.

Президентимиз тиббий бўлимлар ва хоналарга кириб, асл аҳволни кўздан кечирди. Бу ерга келган беморлар билан суҳбатлашди.

Президент Шавкат Мирзиёев сафар дастурида назарда тутилмаган манзиллар билан танишишда давом этмоқда. Қарши тумани маркази — Бешкент шаҳридаги 12-мактаб ҳам режалаштирилмаган ҳолда бориб кўрилди.

Бу ерда айтилган пайтда 1 минг 400 га яқин ўғил-қиз ўқимокда. Уларга юздан ошқ малакали педагоглар таълим бермоқда. Мактаб ўтган йили капитал таъмирланган. Ўқувчиларга битта касб-хунар ва иккита хорижий тилини ўргатиш йўлга қўйилган. Компьютер саводхонлиги, тикувчилик, дурадгорлик каби тўғарақлар бор.

Давлатимиз раҳбари синфхоналарни кириб кўрди, ўқитувчи ва ўқувчилар билан суҳбат-

лашди. Мактаб шароитлари, дарсликлар сифати билан қизикди.

Президент Шавкат Мирзиёев Қашқадарё вилоятига ташрифи давомида Қарши шаҳридаги Ойдин маҳалласида бўлиб, аҳоли турмуши, ҳудуддаги ободлик ва куз-қиш мавсумига тайёргарлик билан яқиндан танишди.

Бу ерда 11 мингга яқин аҳоли яшайди. Ҳудудда иккита мактабгача таълим ташкилоти, битта умумтаълим мактаби мавжуд. Жорий йилда яна учта кўп қаватли уй фойдаланишга топширилди.

Давлатимиз раҳбари маҳалладаги 11-уйда яшовчи Дилшод Набиев хонадонидан меҳмон бўлди. Оила бошлиғи институтда ўқитувчи. Турмуш ўртоғи Ҳурриятхон билан икки фарзандни вояга етказмоқда. Улар ўз турмуши ва меҳнат фаолияти, болаларга берилган эътибор ва имкониятлар ҳақида сўзлаб берди.

Президент маҳалланинги янги маркази — маҳалла гузари, хизмат кўрсатиш шохобчаларини кўздан кечирди. Шу ерда нуронийлар билан мулоқот бўлди.

Қарши шаҳрида Республика ихтисослаштирилган Она ва бола саломатлиги илмий-амалий тиббиёт марказининг ҳудудий

филиали барпо этилди. Президент Шавкат Мирзиёев 24 октябрь куни Қашқадарё вилоятига ташрифи чоғида ушбу муассасани бориб кўрди.

Жорий йил 8 сентябрда давлатимиз раҳбарининг "Оналар ва болалар саломатлигини муҳофаза қилиш, аҳолининг репродуктив саломатлигини мустаҳкамлаш чора-тадбирлари тўғрисида"ги қарори қабул қилинди. Унга мувофиқ, Республика ихтисослаштирилган акушерлик ва гинекология илмий-амалий тиббиёт маркази, Республика аҳоли репродуктив саломатлиги маркази, Республика Она ва бола скрининг маркази негизида Республика ихтисослаштирилган она ва бола саломатлиги илмий-амалий тиббиёт марказига айлантирилмоқда. Шунингдек, қарорда мазкур марказнинг 14 та ҳудудий филиаллари ташкил этилиши белгиланган.

Қашқадарёдаги ушбу муассаса ҳамма талабларга жавоб берадиган дастлабки шундай марказлардан бири.

Айни кунларда юртимизнинг барча ҳудудларида куз-қиш мавсумига тайёргарлик ишлари кетмоқда. Коммунал тармоқлар қайта кўриб чиқилиб, иссиқлик корхоналари модернизация қилинмоқда.

Президент Шавкат Мирзиёев Қашқадарёга ташрифи давомида вилоят "Иссиқлик манбаи" давлат унитар корхонасининг Қарши шаҳрида янгидан бунёд этилган марказий қозонхонасини бориб кўрди.

Ушбу мажмуа 12 Гкал қувватга эга. Бу ерга Туркиядан келтирилган 14 МВтли учта қозон ўрнатилди. Бунинг эвазига йилига 1,7 миллион куб метр табиий газни иқтисод қилиш имконияти яратилди.

Марказ қурилиши жараёнида ҳудудга олти километр қопламали қувур тортилди. Иссиқлик тармоқлари ёпиқ тизимга ўтказилди ва йўқотишлардан ҳимоя қилинди.

Ушбу мажмуанинги фойдаланишга топширилиши 38 та кўп қаватли уйдаги бир ярим мингдан зиёд хонадон ҳамда учта ижтимоий объектни иссиқ сув ва иссиқлик билан таъминлайди.

Давлатимиз раҳбари мутасаддиларга қишга тайёргарлик ишларини сифатли бажариб, энергия ва иссиқлик таъминотини барқарор қилиш, энергия тежамкорлик маданиятини ошириш бўйича кўрсатмалар берди.

Шавкат Мирзиёев ушбу мажмуа жойлашган Наво маҳалласини ҳам кўздан кечириб ўтди.

Манба: president.uz

ҲОЯЛАР АМАЛГА ОШИМОҚДА



2-3

БУТУН ДУНЁДА ДЕМОКРАТИЯ ИНСОН УЧУН, ДАВЛАТ УЧУН, ЖАМИЯТ УЧУН ИДЕАЛ ТУШУНЧА СИФАТИДА АНГЛАНАДИ, УНГА ИНТИЛИШ ЭЗГУ МАҚСАД ҲИСОБЛАНАДИ. ДЕМОКРАТИЯНИНГ ЭНГ МУҲИМ ЖИҲАТЛАРИДАН БИРИ ХАЛҚ ФИКРИ, ҲУҚУҚ ВА МАНФААТЛАРИ ҲИМОЯСИГА ҚАРАТИЛГАН ҲОЯЛАР ИЛГАРИ СУРИЛАДИ. УЛАР РЎЁБГА ЧИҚИШИ УЧУН КУРАШИЛАДИ.

МАМЛАКАТИМИЗДАГИ ЭНГ ТИЗИМИЛИ ВА ТАЖРИБАЛИ ПАРТИЯЛАРДАН БИРИ ЎЗБЕКИСТОН ХАЛҚ ДЕМОКРАТИК ПАРТИЯСИ МАМЛАКАТДА КУЧЛИ ИЖТИМОИЙ СИЁСАТ ЮРИТИЛИШИ, ҲУҚУҚЛАР ВА ИМКОНИЯТЛАР ТЕНГЛИГИ АМАЛДА ТАЪМИНЛАНИШИ БИЛАН БОҒЛИҚ МУҲИМ ҲОЯЛАРНИ ОЛГА СУРИБ КЕЛАДИ. ПАРТИЯ ТИЗИМИДА ТАЖРИБА АСОСИДА ШАКЛЛАНГАН, ХАЛҚИМИЗНИНГ ТАБИАТИГА ХОС БЎЛГАН МУЛОҲАЗАКОРЛИК ВА ВАЗМИНЛИК ПОЗИЦИЯСИ АСОСИДА МУНТАЗАМ АМАЛИЙ ФАОЛИЯТ ЮРИТИЛМОҚДА. ШОВҚИН-СУРОН КЎТАРИШ, АЮХАННОС СОЛИШ ПАРТИЯ ЕТАКЧИЛАРИ, ФАОЛЛАРИГА ХОС ХУСУСИЯТ ЭМАС.



ҲОКИМЛАР ДЕМОКРАТИЯНИ ҚАНДАЙ ТУШУНАДИ?

6 САҲИФА



УН НАРХИДАН ХАВОТИР АСОССИЗМИ?

7 САҲИФА

ҲЕЧ НАРСА ИНСОН ҲАЁТИДАН ҚИММАТ ЭМАС

ИНСОН ЎЛИМИ БИЛАН БОҒЛИҚ ҲОЛАТЛАРДА ҚОНУНЧИЛИГИМИЗДА 7 ЙИЛГАЧА ОЗОДЛИКДАН МАҲРУМ ЭТИШ ЖАЗОСИ БЕЛГИЛАНГАН БЎЛСА-ДА, БУ НОРМА ИШЛАМАЙДИ. ДОИМ УШБУ МОДДА БЎЙИЧА СУД ҚАРОРЛАРИ ЕНГИЛЛАШТИРИЛГАН ТАРТИБДА ҲУКМ ЧИҚАРИЛГАН. БУ ЭСА АВТОҲАЛОКАТЛАР ЯНА ВА ЯНА СОДИР БЎЛИШИГА ТУРТКИ БЎЛАДИ. ҲАЙДОВЧИ ЖАЗО ЯНА ЕНГИЛЛАШТИРИЛГАН ТАРТИБДА ҲУКМ ЧИҚАРИЛИШИГА ИШОНАДИ. ШУ БОИСДАН, ПИЁДАЛАРНИНГ ЙЎЛДАН ЎТИШ ҚИСМИДА ЙЎЛ БЕРМАГАНЛИК УЧУН ЖАРИМАЛАР МИҚДОРINI МАКСИМАЛ ДАРАЖАДА КЎПАЙТИРИШ, ИНСОН ЎЛИМИ БИЛАН БОҒЛИҚ АВТОҲАЛОКАТЛАРНИ СОДИР ЭТГАНЛИК УЧУН ЖАЗОНИ МУҚАРРАР (7 ЙИЛЛИК ҲУКМ) АМАЛГА ОШИШИНИ ТАЪМИНЛАШ ЛОЗИМ.



САЙЛОВОЛДИ ДАСТУРИ ҒОЯЛАР АМАЛГА

БУТУН ДУНЁДА ДЕМОКРАТИЯ ИНСОН УЧУН, ДАВЛАТ УЧУН, ЖАМИЯТ УЧУН ИДЕАЛ ТУШУНЧА СИФАТИДА АНГЛАНДИ, УНГА ИНТИЛИШ ЭЗГУ МАҚСАД ҲИСОБЛАНАДИ. ДЕМОКРАТИЯНИНГ ЭНГ МУҲИМ ЖИҲАТЛАРИДАН БИРИ ХАЛҚ ФИКРИ, ҲУҚУҚ ВА МАНФААТЛАРИ ҲИМОЯСИГА ҚАРАТИЛГАН ҒОЯЛАР ИЛГАРИ СУРИЛАДИ. УЛАР РЎЁБГА ЧИҚИШИ УЧУН КУРАШИЛАДИ.


МАМЛАКАТИМИЗДАГИ ЭНГ ТИЗИМЛИ ВА ТАЖРИБАЛИ ПАРТИЯЛАРДАН БИРИ ЎЗБЕКИСТОН ХАЛҚ ДЕМОКРАТИК ПАРТИЯСИ МАМЛАКАТДА КУЧЛИ ИЖТИМОЙ СИЁСАТ ЮРИТИЛИШИ, ҲУҚУҚЛАР ВА ИМКОНИАТЛАР ТЕНГЛИГИ АМАЛДА ТАЪМИНЛАНИШИ БИЛАН БОҒЛИҚ МУҲИМ ҒОЯЛАРНИ ОЛГА СУРИБ КЕЛАДИ. ПАРТИЯ ТИЗИМИДА ТАЖРИБА АСОСИДА ШАКЛЛАНГАН, ХАЛҚИМИЗНИНГ ТАБИАТИГА ХОС БЎЛГАН МУЛОҲАЗАКОРЛИК ВА ВАЗМИНЛИК ПОЗИЦИЯСИ АСОСИДА МУНТАЗАМ АМАЛИЙ ФАОЛИЯТ ЮРИТИЛМОҚДА. ШОВҚИН-СУРОН КЎТАРИШ, АЮХАННОС СОЛИШ ПАРТИЯ ЕТАКЧИЛАРИ, ФАОЛЛАРИГА ХОС ХУСУСИЯТ ЭМАС.

ОЧИГИНИ АЙТИШ КЕРАК, МУСТАҚИЛЛИКНИНГ ДАСТЛАБКИ ЙИЛЛАРИДА, ПАРЛАМЕНТАРИЗМ, КЎППАРТИЯВИЙЛИК ШАКЛЛАНИШ БОСҚИЧЛАРИДА ҒОЯЛАР РЎЁБГА ЧИҚИШИ ОСОН КЕЧМАГАН. КЕЙИНГИ ЙИЛЛАРДА МАМЛАКАТДА ЮЗАГА КЕЛГАН ФАОЛ МУЛОҚОТ ВА ТАШАББУСКОРЛИК МУҲИТИ, ЮРИТИЛАЁТГАН МАНЗИЛЛИ ИЖТИМОЙ СИЁСАТ ХАЛҚ ДЕМОКРАТИК ПАРТИЯСИНИНГ МУҲИМ ТАКЛИФЛАРИ АМАЛГА ОШИШИГА ИМКОН ЯРАТМОҚДА.

КЕЙИНГИ ЙИЛЛАРДА АКСЕРИЯТ ДАВЛАТЛАР ҲУКУМАТЛАРИ СИЁСАТИДА, ХАЛҚАРО МАЙДОНДА ҲАМ ИЖТИМОЙЛАШИШ ТЕНДЕНЦИЯСИ КЎПРОҚ КЎЗГА ТАШЛАНМОҚДА. ЧУНКИ ИЖТИМОЙ МАСАЛАЛАРНИ САМАРАЛИ ҲАЛ ЭТМАСДАН ТУРИБ ЖАМИЯТДА ИЖТИМОЙ БАҲАРАКЛИК МУҲИТИНИ ТАЪМИНЛАШ МУМКИН ЭМАС. ДУНЁНИНГ ТУРЛИ НУҚТАЛАРИДА КУЗАТИЛАЁТГАН ИЖТИМОЙ ИНҚИРОЗЛИ ҲОЛАТЛАР ШУНИ УҚТИРМОҚДА.

ЖОРИЙ ЙИЛ 30 АПРЕЛЬ КУНИ УМУМХАЛҚ РЕФЕРЕНДУМИ ОРҚАЛИ ЯНГИЛАНГАН КОНСТИТУЦИЯМИЗНИ ҚАБУЛ ҚИЛДИК. УНИНГ БИРИНЧИ МОДДАСИДА ЎЗБЕКИСТОННИНГ ИЖТИМОЙ ДАВЛАТ ЭКАНИ БЕЛГИЛАБ ҚЎЙИЛГАНИ ҲАМ ХАЛҚ ДЕМОКРАТИК ПАРТИЯСИ ҒОЯЛАРИ МУСТАҲҚАМ ВА СТРАТЕГИК АҲАМИЯТГА ЭГА ЭКАНИНИ ҚАТЪИЙ ТАСДИҚЛАМОҚДА.

ЎЗБЕКИСТОН ХАЛҚ ДЕМОКРАТИК ПАРТИЯСИНИНГ САЙЛОВОЛДИ ДАСТУРИДАГИ ҒОЯ ВА ТАКЛИФЛАР БЎЙИЧА АМАЛГА ОШАЁТГАН 5 ТА МАҚСАДНИ МИСОЛ КЕЛТИРСАК, ФИКРИМИЗ ЯНАДА АНИҚЛАШАДИ.



1 МАҚСАД

Таълимда ижтимоий тенглик

Яқин йилларда таълим тизимида амалга оширилган ислохотлар мана шу ғоя рўёбга чиқишига асос бўлиб хизмат қилди. Мақсад эса ҳамма учун тенг бўлган сифатли ва кафолатли таълим тизimini яратиш эди.

Нималарга эришилди?

– 2021 йилдан бошлаб олий таълимга ажратиладиган давлат грантлари сони камида 25 фоизга оширилди. Олий ўқув юрталарига қабул қилишда эҳтиёжманд оилалар қизлари учун грантлар сони 2 баробарга кўпайтирилиб, 2 мингтага етказилди. Аъло баҳолаб ўқиётган, ижтимоий ғимояга муҳтож қизлар учун махсус стипендиялар жорий этилди.

Ҳар йили Оила ва хотин-қизлар давлат қўмитасининг тавсияларига асосан Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларининг томонидан 150 нафардан жами 2 100 нафар ижтимоий эҳтиёжманд оила вакиллари, етими ёки ота-онасининг қарамоғидан маҳрум бўлган талаба хотин-қизларнинг таълим контрактлари маҳаллий бюджетнинг қўшимча манбалари ҳисобидан

қайтариш шартисиз қоплаб берилмоқда.

– Ўзбекистон Республикасининг 2020 йилда қабул қилинган “Таълим тўғрисида”ги қонунида ўқувчиларга имтиёзли таълим кредитлари бериш, шунингдек, кам таъминланган болаларнинг таълим олишини давлат томонидан қўллаб-қувватлаш чора-тадбирлари белгиланган.

– Етим ёки ота-онаси қарамоғидан маҳрум бўлган талаба хотин-қизларнинг контракт пуллари тўлаб берилди.

– Хотин-қизларга таълим олишлари учун янада қулай шароитлар яратиш, олий таълим муассасалари, техникум ва коллежларда, шу жумладан, кечки ва сиртки таълим шаклида ўқиётган хотин-қизларнинг таълим контрактларини тўлаш учун 7 йил муддатга фоизсиз таълим кредитларини молиялаштириш мақсадида тижорат банкларида Давлат бюджетидан 1,8 триллион сўм ресурс маблағлари йўналтириш белгиланган.

– 2021 йил 1 сентябрдан бошлаб республикадаги олий таълим

муассасаларида тўлов-контракт асосида ўқиётган талабалар учун Марказий банкнинг асосий фоиз ставкаси миқдоридан ва ўқиш муддати тугагандан кейин 7 ойдан бошлаб 7 йил муддатда қайтариш шартлари асосида таълим кредитлари берилди.

– 2022/23 ўқув йилидан бошлаб давлат олий таълим муассасаларининг магистратура босқичида ўқиётган барча хотин-қизларнинг контракт тўловлари давлат бюджетидан қоплаб берилиши белгиланган.

Ҳар қандай тараққиётнинг асосида таълим ётади. Таълим тизимида амалга оширилган ислохотлар инсон капиталини ривожлантиришга хизмат қилади. Конституциямизда таълим олиш ҳамма учун кафолатланган. Бугунги кунда ҳар ким ўзи хоҳлаган таълим шакли ва йўналишида тахсил олиши мумкин. Бу имконият, айниқса, олий таълим соҳасида яққол кўринади. Ким қайси мутахассислик бўйича қандай мутахассис бўлиб чиқишини ўзи ҳал қилади. Давлат ҳамма учун имконият яратиб бермоқда, ундан қандай фойдаланиш эса фуқароларнинг ўзига боғлиқ.



4 МАҚСАД

Мулкчилик шаклидан ва уларни молиялаштириш манбаларидан қатъи назар, барча тиббиёт муассасаларида бепул кўрсатиладиган мажбурий тиббий хизматлар рўйхатини, шунингдек, мажбурий тиббий суғуртанинг процесуал механизмларини қонун ҳужжатларида ишлаб чиқиш ва белгилаш масаласи

Мулкчилик шаклидан ва уларни ташкил этиш манбаларидан қатъи назар, тиббиёт муассасаларида кам таъминланган оилалар, ногиронлар ва аҳолининг бошқа ижтимоий ғимояга муҳтож қатламларини юқори технологияли тиббий хизматлардан фойдаланган ҳолда ҳар йили бепул тиббий кўриқдан ўтказишни ташкил этиш масаласи ҳал этилиши долзарб масала ҳисобланади.

Бу борада депутатлик ва жамоатчилик назоратини самарали амалга ошириш орқали аҳолининг айрим тоифаларига дори воситалари, протезлар ва бошқа тиббий-ижтимоий ёрдам ситиб олишда бериладиган имтиёзлар тизимини такомиллаштиришга кўмаклашиш ҳам муҳим.

Ўзбекистон Республикаси Президентининг 2023 йил 20 июндаги “Маъмурий ислохотлар доирасида соғлиқни сақлаш соҳасида давлат бошқарувини самарали ташкил этиш чора-тад-

бирлари тўғрисида”ги қарорига мувофиқ, Соғлиқни сақлаш вазирлигига Иқтисодиёт ва Молия вазирлиги билан биргаликда икки ой муддатда фуқароларнинг энг кўп муурожаатларини келтириб чиқарадиган касаллик ва шароитларни ҳисобга олган ҳолда, тиббий ёрдамнинг кафолатланган ҳажмлари рўйхатини тасдиқлаш топширилди. Тиббий ёрдам кўрсатиш даражалари ва турлари бўйича, шу жумладан, дори воситалари, сарф материаллари ва тиббиёт буюмлари бўйича кўрсатилган рўйхат Соғлиқни сақлаш вазирининг 2023 йил 13 октябрдаги буйруғи билан тасдиқланган.

Худди шу қарорга мувофиқ, 2024 йилдан бошлаб ҳар йили тиббий кўриқдан ўтказиш доирасида кекса авлод вакиллари учун мақсадли скрининг дастурлари жорий этилмоқда.

Янги Ўзбекистонда инсон капиталини

ривожлантириш энг асосий ва устувор ғояга айланган. “Ўзбекистон – 2030” стратегиясида аҳолининг ўртача умр кўриш давомийлигини 78 ёшга етказиш мақсад қилинган.

Инсон етуқ ва баркамол бўлиши учун у аввало соғлом бўлиши ҳам керак. Демократик тамойиллар устувор бўлган жамиятларда капитални қўллаб-қувватлаш ҳам инсон капиталини ривожлантиришда, аввало бирламчи тиббий хизмат сифатини оширишга алоҳида эътибор қаратилмоқда. Тиббиёт соҳасида амалга оширилган ислохотлар аҳолининг кафолатланган бирламчи тиббий хизматдан фойдаланиш имкониятини оширишга қаратилган. Бунда кам таъминланган оилалар, ногиронлар ва аҳолининг бошқа ижтимоий ғимояга муҳтож қатламларини бирламчи тиббий хизмат билан таъминлаш ҳам устувор вазифа қилиб белгиланган.

пилгач, йўлни таъмирлаш ишлари жадаллик билан бошлаб юборилди.

Таъмирлаш жарёни ва сифатини таҳлилий ўрганиш мақсадида Ўзбекистон ҲДП Боёвут туман кенгаши депутати Ж. Раҳмонқулов ва туман ҳокими ўринбосарлари К. Абдалиев, М. Ҳамиджоновлар бошчилигида ишчи гуруҳ тузилиб, йўл қурилиши ишлари ўрганилди.

Ўрганишлар вақтида аниқланган камчиликлар, талаблар, муаммолар ўртага ташланди ва тўлиқ ижобий ҳал қилинди.

ЎЗБЕК ТИЛИ – МИЛЛИЙ ЎЗЛИГИМИЗ ВА МУСТАҚИЛ ДАВЛАТЧИЛИГИМИЗ ТИМСОЛИ!

Юртимиз бўйлаб ҳар йили 21 октябрь — Ўзбек тили байрами кунини сифатида кенг нишонланади.

Шу муносабат билан Ангор тумани ҳокимлиги, Маънавият ва маърифат бўлини маси, тумандаги 17-сонли умумтаълим мактаби директори, халқ депутатлари туман Кенгаши депутати Х.Худойбердиевлар ҳамкорлигида Ахборот-кутубхона марказида “Тил – миллат кўзгуси” мавзусида маънавий-маърифий тадбир ўтказилди.

Унда шоир ва ёзувчилар, ёш ижодкорлар ҳамда кутубхона ходимлари иштирок этди.

Тадбирда ўзбек тилининг тарихи, халқимиз ҳаётида турган ўрни ҳақида алоҳида тўхталиб ўтилди.

Шунингдек, она тилимиз инсонни миллий ўзлигини

СОҒЛОМ ОИЛА – СОҒЛОМ ЖАМИЯТ

Ўзбекистон ҲДП Урганч туман кенгаши томонидан “Соғлом оила – соғлом жамият” шiori остида маҳалла ва БПТларидан давра суҳбатлари ва тадбирлар ўтказиб келинмоқда.

“Ўзбекистон-2030” стратегиясида белгиланган йўналишлардан келиб чиқиб, халқ депутатлари Урганч туман Кенгаши депутати Б. Бердиева навбатдаги ана шундай учрашувни Оила ва хотин-қизлар илмий-тадқиқот институти вакиллари билан ҳамкорликда ўтказди.

Давра суҳбатида оилалардаги муҳитни яхшилаш ва мустаҳкамлаш, нотинч оилалардаги муҳитни соғломлаштириш зарурлиги ҳақида сўз борди.

Шунингдек, гендер тенглик масалалари, давлатимиз томонидан аёлларга берилган эътибор, уларнинг жамиятда фаол иштирокини таъминлашга қаратилган саъи-ҳаракатлар борасида маълумотлар берилди. Оила, мактаб, маҳалла ҳамкорлигини йўлга қўйиб, таълим-тарбия борасида ва бошқа масалаларда миллий кадриятларимизга таяниш, бугунги кунимизга шукроналик билан яшаш, тинчлигимиз қадрига етиш борасида ҳам фикр-мулоҳазалар билдирилди.

БАЛАНД БИНОЛАР ҲАМ ЕРДАН КЎТАРИЛАДИ

Боёвут туман “Навбахор” МФЙ “Чашма” қишлоғи “Менинг йўлим” ташаббусли бюджет давлат дастурида голиб деб то-



ТИББИЁТ ХОДИМЛАРИ ПАРТИЯ АЪЗОЛИГИГА ҚАБУЛ ҚИЛИНДИ

ЎзХДП Навоий вилоят кенгаши ҳамда Кармана тумани кенгаши раиси Х.Рўзиев ташаббуси билан тумандаги “Зарафшон” оилавий шифокорлик пунктида партия тарғиботи тадбири ташкил этилди. “Зарафшон” бошланғич партия ташкилоти тузилиб, тиббиёт ходимлари партия аъзолигига қабул қилинди.

Шунингдек, Аллон ва Нурафшон маҳаллалари фуқаролари учун чуқурлаштирилган тиббий кўриқ ўтказилди. Педиатр, лор, терапевт, акушер гинеколог ва бошқа мутахассислар аҳолини УТТ, ЭКГ текширувидан ўтказиб, тиббий даволанишга эҳтиёжи бор 30 нафар фуқарога тегишли тартибда тавсия ва йўлланмалар берди.

ИЖРОСИ ТАҲЛИЛИ

ОШМОҚДА



2 МАҚСАД

Меҳнатга ҳақ тўлаш, пенсиялар, стипендиялар, нафақалар ва бошқа ижтимоий тўловларнинг энг кам даражасини белгилашда халқаро ҳамжамиятда умумқабул қилинган кўрсаткичлар, яъни яшаш минимуми ва истеъмол саватчаси, уларни қўллаш тартибини қонуний жиҳатдан мустақамлаш ва амалда қўллашга эришиш масаласи

– “Минимал истеъмол харажатлари қийматини ҳисоблаш тартибини амалиётга жорий этиш тўғрисида” ҳукумат қарори қабул қилинди.

Минимал истеъмол харажатлари кўрсаткичидан камбағаллик мезони ёки чегараси сифатида фойдаланилади.

– 2022 йилдан бошб “Ижтимоий ҳимоя ягона реестери” ахборот тизими орқали оилани кам таъминланган деб билиш жараёнида қўлланиладиган ва жон бошига тўғри келадиган бир ойлик даромад мезони минимал истеъмол харажатларига тенглаштирилди.

– ҳар йили август ойигача минимал истеъмол харажатлари қийматининг прогноз параметрлари инфляция кутималаридан келиб чиқиб ҳисобланади.

– минимал истеъмол харажатлари таркиби камида ҳар 5

йилда қайта кўриб чиқилади.

Ўзбекистон Халқ демократик партияси аҳолининг ижтимоий ҳимояга муҳтож қатламлари манфаатини ҳимоя қилишни ўзининг фундаментал мақсадлари қаторига киритади. Чунки бу Конституцияда белгиланган қатъий қонуннинг амалга оширилиши амалда кафолатлаш билан боғлиқ принципиал масала.

Пенсия, нафақа, стипендия, меҳнатга ҳақ тўлаш ва бошқа ижтимоий ёрдамларнинг энг кам миқдори минимал истеъмол харажатларидан кам бўлмаслиги аҳолининг ижтимоий таъминланганлик даражасини оширади. Асосийси, ҳуқуқларини ҳимоя қилади.

Минимал истеъмол харажатларининг халқаро нормалар асосида белгиланиши Ўзбекистоннинг халқаро майдондаги имижига ҳам ижобий таъсир кўрсатади.

3 МАҚСАД

Аёллар фарзанди 3 ёшга тўлгунга қадар ҳомиладорлик ва туғиш таътилида бўлган барча вақтни пенсия тайинлаш учун зарур бўлган иш стажига киритиш масаласи

Мазкур таклифни амалга ошириш мақсадида Олий Мажлис Қонунчилик палатасидаги Халқ демократик партияси фракцияси томонидан “Фуқароларнинг давлат пенсия таъминоти тўғрисида”ги “Ўзбекистон Республикаси Қонунига ўзгартиш ва қўшимчалар киритиш ҳақида”ги қонун лойиҳаси ишлаб чиқилди.

Унга қўра, ёши бўйича пенсия тайинлашда ҳисобланган аёлларнинг иш стажига 18 ёшга тўлмаган ногирон болани парвариш қилиш бўйича ўтказган вақтлари ҳисобга олинади, шунингдек, бола 3 ёшга тўлгунга қадар, лекин жами 6 йилдан кўп бўлмаган вақт пенсия тайинлаш учун зарур бўлган иш стажига қўшилиши назарда тутилган.

Мазкур ўзгартиришлар “Фуқароларнинг давлат пенсия таъминоти тўғрисида”ги Қонунга 2022 йил 9 февралдаги “Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида”-

ги Қонунига мувофиқ киритилди.

Эътиборлиси, бунда фақат она эмас, балки ота ҳам болага қаровчи бўлиши мумкинлиги назарда тутилган. Бу амалиёт, яъни отанинг болага қаровчи бўлиши биз учун бироз эриш туюлиши мумкин. Лекин халқаро тажрибада бу амалиёт мавжуд. Агар эр-хотин болани ким парвариш қилиши бўйича бир фикрга келса, бунинг нимаси нотўғри?..

Бугун ҳаёт инсонларни фақат ва фақат олдинга ҳаракат қилишга ундамоқда. Бу ўз-ўзидан эркакдан ҳам, аёлдан ҳам оиласи тўқис бўлиши учун тинмай меҳнат қилишни тақозо қилади. Бизда шакланган анъанага қўра, одатда фарзанд тарбияси билан аёл, яъни она шуғулланади.

Ўзбекистон демографик ўсиш бўйича дунёдаги энг тез ўсаятган давлатлардан бири ҳисобланади. Йиллик туғилиш деярли бир миллион. Ўзбекистонда оилада иккита фарзанд бўлиши кам ҳисобланади. Оилаларда ўртача 3-4 та фарзанд

бўлади. Ўзбекистонда ўртача умр кўриш давомийлигини 74 ёш деб олсак, пенсия ёши аёллар учун 55 ёшни ташкил қилади. Битта аёл уч нафар фарзандни дунёга келтириб, боғча ёшигача парвариш қилиши учун ўртача 10 йил умрини сарфлайди. Ваҳоланки, ўша ўн йил унинг айнаи шижоатга тўлган, билимга чанқок, ҳаётга ташна умридир. Фарзанд тарбия қилиш миллат тарбия қилиш ҳамдир. Ҳар бир ёш авлодни мамлакат тараққиётини ҳаракатга келтирувчи, унинг эртасини белгилувчи, юрт қорига ярайдиган шахс бўлишига умид қиламиз. Демак, уларни дунёга келтириб, тарбия қилаётганларни ҳам эсдан чиқармаслигимиз, керак бўлса, меҳнатларини кадрлашимиз лозим.

Айнаи қонун уларни кадрлашга хизмат қилишига умид қиламиз. Зеро, ОНА фарзандини дунёга келтириб, уни тарбия қилиш жараёнида ҳеч қимдан ҳеч қандай рағбат кутмайди. У бунинг учун умрини беғараз тикади.



5 МАҚСАД

Меҳнатга лаёқатли фуқароларни ижтимоий нафақалардан юқориқоқ меҳнат ҳақи тўланадиган барқарор иш ўринлари билан таъминлаш масаласи



– Ижтимоий ҳимояга муҳтож аҳолини қўллаб-қувватлаш мақсадида “Темир дафтар” тизими яратилди.

– Ёшлар бандлигини таъминлаш ва уларнинг муаммоларини ҳал этишга қаратилган янги тизим – “Ёшлар дафтари” жорий этилди.

– Ижтимоий қийин вазиятга тушиб қолган хотин-қизларни иқтисодий фаолликка рағбатлантириш ва амалий қўллаб-қувватлаш мақсадида “Аёллар дафтари” яратилди.

Ўзбекистонда 14 ёшдан 30 ёшгача бўлган ёшлар сони 9,5 миллиондан ортиқни ташкил қилади. Бу жами аҳоли сонининг 27 фоизга яқинини шу ёшдагилар ташкил қилади, дегани. Ҳаммага маълумки, инсон воёга етиб, мустақил ҳаёт йўлини танлар экан, у аввало ўзига муносиб иш топишга ҳаракат қилади. Тўғри, баъзида ўзимиз хоҳлаган касбни эгаллашимиз учун йилларни сарфлаймиз. Лекин ўзимизга муносиб касбни топганимизча ишламасдан, ҳаракатсизлигимиз билан унга эришолмаймиз. Ижтимоий

дафтарлар эҳтиёжманд, лекин иқтисодий фаол бўлишга интилаётган фуқароларни қўллаш, муносиб даромад топишига рағбатлантиришда самарали тизим бўлиб хизмат қилмоқда.

Юқоридаги кичкина таҳлилимиз орқали эътиборингизни қаратмоқчи бўлган икки жиҳат бор. Ўзбекистон Халқ демократик партияси ўз дастури ва электорати манфаатларига содиқлигидир. Баъзи одамларнинг партия ҳам, депутат ҳам сайлов ўтиши билан панага ўтиши ҳақидаги фикрлар унчалик ҳам асосли эмаслигини айтмоқчимиз. Ҳар ҳолда, ЎзХДП дастури ижроси бўйича таҳлиллар шуни кўрсатмоқда.

Яна бир муҳим масала партия дастури, ғоялари долзарблигини йўқотмаслигидир. Халқ манфаатларига хизмат қилиши партия дастури ҳаётийлигини кўрсатувчи энг биринчи омиллардан ҳисобланади.

Шу кунларда Олий Мажлис Қонунчилик палатасида “Ўзбекистон Республикасининг айрим қонун ҳужжатла-

рига сайлов ва референдум ўтказиш тартибини янада такомиллаштиришга қаратилган ўзгартириш ва қўшимчалар киритиш тўғрисида”ги Конституциявий қонун лойиҳаси муҳокамалардан ўтмоқда. Мазкур қонун билан Олий Мажлис Қонунчилик палатасига ўтказиладиган сайлов тизими ўзгаради. Лойиҳада Қонунчилик палатасидаги 150 нафар депутатнинг 75 нафари партия рўйхати асосида шаклланиши назарда тутилмоқда.

Келгуси сайловлар янги формат ва тизим асосида ташкил этилиши мақсад қилинмоқда. Шундай шароитда сиёсий партиялар ҳам янги қақриққа ўзгача иштиёқ ва стратегиялар билан тайёрланиши керак бўлади. Ғоялари амалга ошайтган Халқ демократик партиясидан халқимиз кутган, замон билан ҳамнафас, чуқур асослантирилган ғоя ва ташаббусларни қуттишга ҳақлимиз.

Аҳмад ҚУРБОНОВ,
“Ўзбекистон овози” муҳбири.

англашга, кадриятларни эъозлашга ўргатиши бўйича ҳам сўз юритилди. Ижодкорлар ёшларни қизиқтирган саволларга жавоб беришди.

ДЕПУТАТЛАР САЙЁР ҚАБУЛ ЎТКАЗДИ

Ўзбекистон Халқ демократик партияси Тошлоқ туман кенгаши депутатлик гуруҳи аъзолари Мухаммадjon Жўрабоев, Зоҳиджон Сайдалиев иштирокида тумандаги “Тошлоқ” маҳалла фуқаролар йиғини биносидан фуқароларнинг сайёр ва кўчма жамоатчилик қабули ўтказилди.

Кўчма қабулда йигирмадан зиёд фуқароларнинг муурожаатлари тингланди. Мулоқот чоғида Тошлоқ МФЙ Наврўз кўчаси, 8-уйда яшовчи Акрам Дўсмаатов ўзи яшаётган уйнинг кадастр ҳужжатларини тайёрлашда амалий ёрдам сўради.

Шунингдек, “Учқун” кўчаси, 75-уйда яшовчи Дилдорахон Юлдашева кам таъминланган ва ижтимоий ҳимояга муҳтож бўлганлиги сабабли ўқувчи фарзандига қишки иссиқ кийим-бош олиб беришда амалий ёрдам сўраб муурожаат қилган бўлса, Шерозий кўчаси, 3-уйда яшовчи Мамлакатхон Зиёвдинова соғлиғини тиклаш учун дам олиш масканига йўлланма олишда қийналаётганини маълум қилган.

Сайёр қабулда иштирок этган депутатлар муурожаатларнинг 70 фоизини мутасадди ташкилотлар ёрдами билан ижобий ҳал этишди. Қолган 30 фоиз масала ечими юзасидан тегишли мутасадди ташкилотларга депутатлик сўровлари юборилди.

СИФАТ НАЗОРАТИ ҲАММА НАРСАДАН МУҲИМ

Халқ депутатлари Бўстон туман кенгашидаги Халқ демократик партияси депутатлари ҳудуддаги 13-умумтаълим мактабидан олиб борилаётган қурилиш ишлари юзасидан депутатлик назорати ўрнатилди. Маълум бўлишича, ушбу таълим масканига пудратчи ташкилот “RISH TRADE” МЧЖ томонидан қурилиш ишлари олиб бориляпти. Назорат-таҳлил давомида қурилиш ва пардозлаш ишларининг сифати кўриб чиқилди.

Депутатлар назорат-таҳлил натижалари юзасидан фикр ва мулоҳазалари билан бўлишиб, таклифлар билдиришди. Ўрганиш давомида аниқланган камчиликлар пудратчи ташкилот раҳбари томонидан қисқа муддат давомида яқунлаши зарурлиги тушунтирилди.

ОНАЛИК ВА БОЛАЛИК МУҲОФАЗАСИ ДОИМИЙ ЭЪТИБОРДА

Ўзбекистон Халқ демократик партиясининг «Оналик ва болалик муҳофазаси доимий эътиборда» лойиҳаси доирасида Термиз туманида тиббий кўрик ташкил этилди.

Халқ депутатлари Термиз туман кенгаши раиси Г.Шафатова, халқ депутатлари туман Кенгаши депутатлари ҳамда Оила ва хотин-қизлар давлат қўмитаси ҳузуридаги Аёлларни реабилитация ва ошлаштириш маркази вилоят ҳудудий бўлими ҳамкорлигида ташкил этилган ушбу тадбир доирасида

тумандаги ногиронлиги бўлган болалар, нурунийлар ва аёллар тиббий кўриқдан ўтказилди.

Тиббий кўрик жараёнида тиббий ёрдамга муҳтож бўлган бемор болалар ва уларнинг оналари чуқурлаштирилган текширувдан ўтказилиб, уларга муолажалар қилиниб, бепул дори-дармон, витаминлар тарқатилди.

«ЎЗБЕКИСТОН-2030» СТРАТЕГИЯСИ ТАРҒИБОТИ

Пискент туман «Мингтепа» МФЙ ҳудудидан жойлашган 40-сон умумий ўрта таълим мактаби устозлари билан «Ўзбекистон-2030» стратегияси тўғрисида давра суҳбати ўтказилди. Туман Кенгаши депутати, Ўзбекистон ХДП туман кенгаши раиси Д.Комилова устозларга Стратегиянинг 100 та мақсадидан ўрин олган устуворликлар ҳақида фикр юритди. Хусусан, 2-мақсадида умумий ўрта таълим тизимида «Таълим учун қулай муҳит» дастурини амалга ошириш билан боғлиқ вазифаларга тўхталиб ўтилди. Уларга таълим соҳасига оид устуворликлар жамланган 12 та мақсад ўрин олгани ва уларнинг ҳар биридаги ўзига хосликлар тушунтирилди. Ҳар бир мақсадда таълим тизими ислохотларига катта эътибор берилгани тўғрисида айтиб ўтилди. Иштирокчиларнинг тизимни яхшилаш, сифатни ошириш борасидаги саволларига мутахассислар томонидан атофлича жавоб берилиб, уларнинг таклифларни қабул қилинди.

Ўз муҳбиримиз.

OG'RIQLI NUQTA

МУНОСАБАТ

ҚОНУН
ИЖОДҚОРЛИГИДА
ЎЗИГА ХОС
ТАЖРИБА
ЯРАТИЛДИ

Нуриддинжон ИСМОИЛОВ,
Олий Мажлис Қонунчилик
палатаси Спикери:

— Ўтган ҳафта мамлакатимизда 21 октябрь – Ўзбек тили байрами кўни жуда кенг нишонланди.

Президентимиз ўз табрикларида «Мамлакатимизда ўзбек тилининг давлат тили сифатидаги ўрни ва аҳамиятини ошириш, уни замон талаблари асосида ривожлантириш миллий ўзлигимизни англаш, миллат руҳини сақлаб қолиш, ёруғ келажакимизни таъминлашнинг энг муҳим омил» эканлигини алоҳида таъкидладилар.

Мазкур байрам нафақат мамлакатимизда, ҳатто чет давлатларда ҳам кенг нишонланди. Қонунчилик палатасида ҳам тил байрамига бағишлаб маънавий тадбир ўтказилди.

Шуни алоҳида таъкидлаш жоизки, миллий парламентимизда ўзбек тилини асраб-авайлашга, бойитишга, қабул қилинаётган қонунларнинг, барча қарорлар ва бошқа ҳужжатларнинг ўзбек тили нуқтаи назаридан мукамал, ҳамма учун тушунарли ва раvon бўлишига доимо катта эътибор қаратиб келинмоқда.

Кўпчилигингизга яхши маълумки, мустақиллигимизнинг дастлабки йилларида қонун ижодкорлигида тилимизнинг имкониятларидан тўлиқ фойдалана олмас эдик. Эндиликда эса қонунларимиз ўзбек тилида ёзилмоқда, муҳокама қилинмоқда ва қабул қилинмоқда.

Бугунги кунга келиб, Ўзбекистонда ўзбек адабий тилига асосланган қонун ижодкорлиги мактаби шакллантирилди ва у тобора ривожланиб бормоқда.

Қонун ижодкорлигида ўзига хос тажриба яратилди. «Ўзбек қонун тили» деган тушунча пайдо бўлди ва биз қонунчилик жараёнида атамаларни, сўз бирикмаларини ва таърифларни қўллашда ягона ёндашуларга эриша олдик.

Қонунчилик палатасида қабул қилинаётган қонунларнинг матни уларда ўзбек адабий тили қоидаларига риоя этилганлиги, атамаларнинг ўз ўрнида ва тўри қўлланилганлиги, фикрларнинг аниқ ва лўнда баён этилганлиги ҳамда бошқа мезонларга амал қилинганлиги нуқтаи назардан махсус лингвистик экспертизадан ўтказилмоқда.

Шундан кейин қонун лойиҳалари палатамизда тузилган Норматив-ҳуқуқий атамалар комиссияси томонидан кўриб чиқилмоқда. Комиссия қонунларда баён этилаётган ҳуқуқий нормаларнинг қўлловчилар учун тушунарли, раvon ва аниқ тарзда баён этилишини таъминлашга, юридик қоидаларнинг тўғри ифодаланилишига алоҳида эътибор қаратмоқда.

Палатамизда қонунларнинг тилига кўрсатилаётган алоҳида эътибор туфайли бизда ўзбек тилини янада бойитиш имкониятлари ҳам пайдо бўлмоқда. Натижада ўзбек тилида истемолдан чиқиб кетиш оstonасида турган кўплаб сўзлар қонун тилига сингдирилиб, оmmалаштирилди. Масалан, «бўнак» («аванс»), «тусмол» («версия») «ҳандақ» («траншея»), «тиркама» («прицеп»), «йўриқчи» («инструктор») ва бошқа сўзлар шулар жумласидандир.

Бироқ, ўзбек тилимиз бой бўлса-да, қонунни қўлловчиларга қўлай бўлиши учун биз бир қонунда муайян сўзнинг синонимидан, турлича талқин қилиниши мумкин бўлган атамалар ва сўз бирикмаларидан фойдаланишга йўл қўя олмаймиз.

Шу билан бирга, бугунги илмий-техникавий тараққиёт тақозоси билан қонунларда халқроқ миқёсда тан олинган атамалардан ҳам тилимизнинг камситилишига йўл қўйилмайдиган тарзда фойдаланмоқдамиз.

Ўйлаيمانки, биз халқ вакиллари ҳам миллий ўзлигимиз ва ғуруримиз тимсоли бўлган она тилимизни асраб-авайлаш ва ривожлантиришдек шарафли ишга муносиб ҳисса қўшамиз.



ҲЕЧ НАРСА ИНСОН ҲАЁТИДАН ҚИММАТ ЭМАС

АФСУСКИ, БУГУН ҚОНУНЛАРНИ МЕНСИМАЙ, ОДАМЛАР ҲАЁТИГА ХАВО СОЛГАН ҲОЛДА ЙЎЛ ҚОИДАЛАРИНИ БУЗИБ ҲАРАКАТЛАНИШ ВА УНИ ВИДЕОГА ОЛИБ ТАРҚАТИШ ҲОЛАТЛАРИ КўПАЙДИ. УЛАР ҚОИДАЛАРНИ БУЗИШ БИЛАН ФАХРЛАНАДИ. ЯНА ШУНДАЙ ТОИФАДАГИ ЭРКАТОЙЛАР БОРКИ, СУРБЕТЛАРЧА «ЖАРИМАНГНИ ЁЗ, ТЎЛАБ ҚЎЯМАН», ДЕБ МАҚТАНИБ ҲАМ ҚЎЯДИ. БУНДАЙЛАРНИ НА ЖАРИМА, НА КАМЕРА ВА НА СВЕТОФОР, ҲАТТО БИРОН КИШИНИ УРИБ ЮБОРИШ ЭҲТИМОЛИ ҲАМ ТЎХТАТА ОЛМАЯПТИ.

ОҚИБАТДА БАРЧАМИЗ ЙЎЛЛАРДА АВТОМОБИЛЛАРГА «ОРТИҚЧА ХАВО МАНБАИ» СИФАТИДА ҚАРАШГА МАЖБУР БЎЛАЯПМИЗ. БОЛАМИЗНИ МАКТАБГА ЁКИ КўЧАГА ЧИҚАРИШДА, АЛБАТТА, «ЙЎЛДАН ЭХТИЁТ БЎЛИБ ЎТ», «АВТОМАШИНАЛАРДАН ЭХТИЁТ БЎЛ», ДЕБ ТАЙИНЛАЙМИЗ. БУ БИРИНЧИ НАВБАТДАГИ ВАЗИФАМИЗГА АЙЛАНИБ УЛГУРДИ. БУ ЙЎЛЛАРНИНГ ХАВОСИЗ ЭМАСЛИГИ, ЙЎЛЛАРДАГИ КўНГИЛСИЗЛИКЛАР КўН САЙИН ОРТИБ БОРАЁТГАНИНИ ОДАТИЙ ҲОЛАТ СИФАТИДА ҚАБУЛ ҚИЛИШНИ БОШЛАГАНМИЗДАН ДАЛОЛАТ БЕРАДИ.

Ҳар биримиз пиёда, йўловчи ёки ҳайдовчи сифатида йўл ҳаракати иштирокчиларимиз. Ҳар ким йўлда хавфсиз ҳаракатланишни хошлайди ва шунинг учун йўл ҳаракати қоидалари жорий этилган. Қоидабузарга жазо тайинланиб, шу йўл билан тартиб сақланиши белгиланган. Қоидани буздими, албатта, жазо муқаррар бўлиши керак.

Доимо қўлимизни дуога очганимизда, юртимиз тинч бўлсин, деб дуо қиламиз. Тинчлик нима ўзи, ҳеч нимадан қўрқмай, бемалол, эмин-эркин юриш, болаларнинг кўчада ўйнаб юради, мактаб-боғчага бориб-келади, деганими? Тинч замон аслида қандай бўлиши керак?

Йўлларда содир бўлаётган автохалокатлар, натижада ёш болалар ўлимнинг кўпайгани барчамизни ташвишга солади. Мисол учун, Наманганнинг Косонсойида машина тагида ёш боланинг мажаклангани ёки Тошкентнинг Абдулла Қодирий кўчасида 12 ёшли қизнинг машина тагида қолиб вафот этгани, буларни эшитишнинг ўзи одамни ларзага солади.

Мактаблар олдида тезликни ошириш тақиқланганини ҳаммамиз биламиз. Болалар ўтади, аммо деярли ҳеч ким меъёрга амал қилмайди. Мактабга яқинлашган сари газ босилади. Кўз олдингизга келтиринг, ахир шу мактабда сизнинг фарзандингиз ҳам ўқийди-ку. Нега қонун ва қоидага амал қилмайсиз. Мактаб борлигини биламиз, тезликни чеклаш оғохлантирувчи белгини кўрамузу кўрмаганликка оламиз.

Ҳатто пиёдалар ўтиш йўлида тезликни пасайтириб, кейин тўхтайдиган ҳайдовчилар йўқ ҳисоби. Болаларни-ку қўйинг, катта одамлар йўлдан ҳайқиқиб, қўрқиб, юрагини ҳовучлаб ўтади.

Чунки, пиёдалар ўтиш йўлига менисимаймиз, гўёки у бизга тўхташ учун тўсиқ бўлмайди, иккинчидан, жазо энгил, ҳайдовчи зар ё зўр билан бемалол кўтулиб кетишига кўзи етади ёхуд ички йўлларда кузатув камералари ё йўл-патрул хизмати ходимлари йўқлигини жуда яхши билади.

Минбарларда туриб, пиёдалар транспорт воситаларидан устун, деб жар соламиз. Лекин, бугунги ҳолатимиз бунинг аксини кўрсатмаяптими?

Ҳозир биз автомобиллар учун шароитлар яхшиланганини кўраямиз, холос, пиёдалар учун эса ноқулайликлар яратишда давом этаяпмиз.

Бу автомобиль йўлларида хавфсизликни таъминлаш тизими яхши эмаслигини англайди. Тизимни тубдан ислоҳ қилиш зарур.

Эътибор беринг, 2023 йилнинг январь-август ойларида 9 миллиондан ортиқ йўл ҳаракати қоидалари бузилиши қайд этилган. Жумладан, 8 миллионга яқин кўпол қоидабузарликлар, 26 мингга яқин маст ҳолатда

автомобиль бошқариш ва 161 мингдан ортиқ пиёдалар қоидабузарлиги қайд этилган.

Оқибатда эса шу даврда 5 772 та йўл-транспорт ҳодисаси содир бўлган, уларда 1 415 киши ҳалок бўлган, яна 5 448 нафар фуқаро турли даражадаги тан жароҳатлари олган.

Тахлилларга кўра, аварияларнинг 55 фоизи ҳайдовчилар айби билан содир бўлади. Бунда ҳайдовчиларнинг қоидаларни менсимаслиги ҳолати 45 фоизни, тажрибасизлиги эса 10 фоизни ташкил қилади.

Кўриб турибсизки, бировнинг кўпол хатоси ёки қоидага менсимай ҳаракатланиши ортидан қимдир оғир жароҳатланади, қимдир бир умрга ногирон бўлиб қолади ёхуд бир оила ўзининг ягона боқувчисидан, фарзандлар отасидан жудо бўлади... Йўлларимизда машинада тугул йўл ёқаларида пиёда ҳаракатланиш ҳам тобора хавфли бўлиб бормоқда.

Кўп ҳолларда пиёдаларнинг йўлларни кесиб ўтишда қийналаётгани, ҳайдовчилар эса уларга йўл бермаслигини кўраамиз.

Светофор қўйилмаган пиёдалар ўтиш йўлида тез келаётган транспорт воситаси пиёданга кечроқ кўради. Ёки бошқа транспорт воситалари тўхтаб туриш сабабини тушунмасдан, ўтиб кетишга ҳаракат қилади. Бу эса пиёдалар ўтиш йўлидаги ҳалокатлар сони ортишига олиб келмоқда. Бундай ҳолатлар йилдан йилга ортиб бормоқда.

Статистикага мурожаат қиладиган бўлсак, 2021 йил давомида ҳайдовчиларнинг пиёдаларга йўл бермасдан ҳаракатланганлиги учун қўлланилган маъмурий қоидабузарликлар сони 101 796 тани ташкил қилган бўлса, 2022 йилда бу кўрсаткич 142 967 тани, 2023 йилнинг 8 ойида эса 90 211 тани ташкил қилган.

Бундай маълумотлардан одам даҳшатга тушади. Оқибатлар билан эмас, сабаблар билан курашишимиз керак. Ҳар бир ҳолатни ўрганиб, аниқ таҳлиллар қилиш керак.

Бугунги кунда Ўзбекистон бўйлаб 11 мингга яқин пиёдалар ўтиш жойи мавжуд. Бироқ уларнинг атиги 1834 тасида пиёдалар хавфсизлигини таъминлаш мақсадида светофор ёки бошқа йўл белгилари ўрнатилган. 2021 йилдан 2023 йилгача бўлган даврда назоратсиз пиёдалар ўтиш жойларида 2784 та бахтсиз ҳодиса қайд этилган бўлиб, улардан 1007 таси қоронғуда содир бўлган.

Шу сабабли республикаимиз бўйлаб пиёдалар бошқардиган светофорларни жорий этиш муҳим ва бу «йўл – пиёда учун» тамойилини жорий этишга хизмат қилади.

Энг ёмон жиҳати шундаки, биз юз бериши мумкин бўлган ҳодисаларни олдини олишга ҳаракат қилмаяпмиз. Фақатгина

воқеа содир бўлиб, шов-шув кўтарилсагина унинг сабабларини ўрганиб, ечим топишга ўрганиб қолдик.

Эътибор беринг, бунинг натижасида Тошкентда пиёдалар ўтиш жойларида светофорлар одатда ўлим билан ақунланган бахтсиз ҳодисалардан кейин пайдо бўлиши анъанага айланди.

Мисол учун, юқорида айтганимиз Абдулла Қодирий кўчасидаги автохалокат ва унинг натижасида ёш боланинг вафот этиши ортидан ушбу пиёдалар ўтиш йўлига светофор билан жиҳозланди.

Яна бир мисол, пойтахтимиздаги Махтумқули кўчасида пиёдалар ўтиш йўлида бир аёл машина уриб кетиши оқибатида вафот этгач, ўша жойга ҳам кўп ўтмай пиёдалар бошқардиган светофор ўрнатилди.

Инсон табияти шундай, қачонки қизил белгини кўясиз, кейин тўхтайдисиз. Шу боисдан мактаб ёнларига, пиёдалар ўтиш йўлакларига, ҳар бирида, албатта қўлда бошқариладиган светофорларнинг ўрнатилиши керак, деб ҳисоблаймиз.

Ҳайдовчи ва пиёда ўртасидаги муносабатни шакллантириш ва ҳаракат хавфсизлигини таъминлашга қаратилган таклифларимизни билдириб ўтамиз.

Биринчи таклиф шундан иборатки, йўл ҳаракати иштирокчиларининг қоидаларга амал қилиш маданиятини ошириш керак. Инсонни қадрлашни ўрганмасдан туриб, бунга эришиб бўлмайди. Бунинг ҳуқуқат ё давлат даражасида эмас, ҳайдовчи ва пиёда ўртасида шакллантириш лозим. Шундагина ўзаро ҳурмат ва қонунларга итоат руҳияти шаклланади.

Иккинчидан, инсон ўлими билан боғлиқ ҳолатларда қонунчилигимизда 7 йилгача озодликдан маҳрум этиш жазоси белгиланган бўлса-да, бу норма ишлагамайди. Доим ушбу модда бўйича суд қарорлари энгиллаштирилган тартибда ҳукм чиқарилган. Бу эса автохалокатлар яна ва яна содир бўлишига туртки бўлади. Ҳайдовчи жазо яна энгиллаштирилган тартибда ҳукм чиқарилишига ишонади. Шу боисдан, пиёдаларнинг йўлдан ўтиш қисмида йўл бермаганлик учун жарималар миқдорини максимал даражада кўпайтириш, инсон ўлими билан боғлиқ автохалокатларни содир этганлик учун жазони муқаррар (7 йиллик ҳукм) амалга ошишини таъминлаш лозим.

Учинчидан, автомобиль йўлларида хавфсизликни таъминлаш тизимини тубдан ислоҳ қилиш зарур. Пиёдалар ўтиш йўлакларини тўлиқ автоматлаштириш ҳамда қўлда бошқариладиган светофорларни ўрнатиш керак. Ҳар қандай маблағ инсон ҳаётидан қимматли эмас.

Тўртинчидан, ҳар ҳафтада, энг кўп қоидабузарликни амалга оширган ҳайдовчилар рўйхатини вилоятлар кесимида эълон қилиб бориш тизимини жорий қилиш лозим. Ким қандай қоида бузганини бошқалар кўрадиган тизим керакка ўхшайди. Қадимда қоидабузарлар халқ олдида олиб чиқиб кўрсатилган. Жамият ҳозир қоидабузарлар ҳақида билмаслиги ҳам катта муаммо. Ушбу тизим кўплаб чет давлатларда амал қилади. Бу ўз навбатида қоидабузарликлар сони камайишига олиб келади.

Сиз муҳим ҳисобламаган йўл маданияти ҳаётингизнинг аччиқ хотимаси бўлиши мумкин. Шундай экан, ҳар биримиз ўз мажбуриятимизни тўла ҳис этган ҳолда, йўлларда маданиятли йўловчи ва ҳайдовчи сифатида ҳаракатланайлик!

Аброр ҚУРБОНОВ,
Ўзбекистон ХДП Марказий Кенгаши
бошқарма бошлиғи.

ЎЙГА ТОЛДИРАДИГАН РАҚАМЛАР, ҚАТЪИЙ ВАЗИФАЛАР

ЎТГАН ҲАФТАДА ДАВЛАТИМИЗ РАҲБАРИ 2024 ЙИЛ УЧУН ДАВЛАТ БЮДЖЕТИНИНГ АСОСИЙ ЙЎНАЛИШЛАРИ, ТАРМОҚ ВА ҲУДУДЛАРДА АМАЛГА ОШИРИЛАДИГАН ВАЗИФАЛАР МУҲОКАМСИ ЮЗАСИДАН ВИДЕОСЕЛЕКТОР ЙИГИЛИШИ ЎТКАЗДИ. УНДА ДАВЛАТ БЮДЖЕТИ ДАРОМАДЛАРИНИ КЎПАЙТИРИШ, ХАРАЖАТЛАРИНИ ОПТИМАЛЛАШТИРИШ БЎЙИЧА ҲАР БИР СОҲА, ТАРМОҚ ВА ҲУДУДЛАР КЕСИМИДА МАВЖУД ЗАХИРА ВА ИМКОНИАТЛАР АТРОФЛИЧА ТАҲЛИЛ ҚИЛИНДИ.

АВВАЛО, ЙИРИК САНОАТ ТАРМОҚЛАРИДА ХАРАЖАТНИ ҚИСҚАРТИРИШ ОРҚАЛИ ТАННАРХНИ КАМАЙТИРИШ БЎЙИЧА АНИҚ ВАЗИФАЛАР БЕЛГИЛАНДИ. МАСАЛАН, ЖОРИЙ ЙИЛНИНГ БИРГИНА ТЎРТИНЧИ ЧОРАГИДА 349 ТА ЙИРИК САНОАТ ҚОРХОНАСИДА 2,1 ТРИЛЛИОН СЎМ ХАРАЖАТЛАРНИ КАМАЙТИРИШ МУМКИНЛИГИ ҲИСОБ-КИТОБ ҚИЛИНГАН. БУ ИШЛАРНИ ТИЗИМИЙ ДАВОМ ЭТИРИШ УЧУН ҲУКУМАТГА КЕЛГУСИ ЙИЛДА ЙИРИК ТАРМОҚЛАРДА ТАННАРХНИ 15-20 ФОИЗ КАМАЙТИРИШ БЎЙИЧА ДАСТУР ИШЛАБ ЧИҚИШ ТОПШИРИЛДИ.

Ҳудудларнинг даромад базасини кенгайтириш масаласига тўхталиб ўтилди. Жумладан, паст қувватда ишлаётган қорхоналарга кўмак бериб, уларни тўлиқ қувватга чиқариш чоралари белгиланди. Тадбиркорликни ривожлантириб, солиқ базасини кенгайтириш, афзалликлар бериш орқали "яширин иқтисодиёт"ни қисқартириш муҳимлиги айtilди.

Қишлоқ хўжалигида "катта сакраш"га фақат илм орқали эришиш мумкинлиги таъкидланди. Бу борада ер сифати, нав ва агро-технологияга замонавий илмий ютуқларни кенг татбиқ этиш орқали бир гектарда пахта ҳосилдорлигини 50 центнерга, ғаллада 100 центнерга етказиш вазифаси қўйилди.

Бугунги кунда энг глобал масалалардан бири сув тақчиллиги экани ҳам алоҳида таъкидланди. Шундан келиб чиқиб, сўнги икки йилда сув хўжалигига, жумладан, сув тежовчи технологияларга катта миқдорда субсидия ажратилган. Лекин ўтган йили истезмол қилинган 39 миллиард куб метр сувнинг 36 фоизи тупроқ ўзани канал ва ариқларда йўқолгани кўрсатиб ўтилди. Бундан ташқари, ерларнинг 70 фоизи эски усулда суғорилгани боис, 5-6 миллиард куб метр сув беҳуда сарфланиб, коллекторларга ташланаётгани айtilди.

Давлатимиз раҳбари сув хўжалигидаги бундай вазиятдан чуқур ташвишдалигини қайд этиб, соҳа мутасаддиларига каттиқ эътироз билдирди. Каналларни бетон қилиш орқали йўқотишларни камайтириш, насосларни энергия тежамкорига алмаштириш, сув ишоотларида автоматлашган ҳисоблагич ўрнатиш юзасидан топшириқлар берилди.

Умуман, йиғилишда муҳокама қилинган долзарб масалалар, кўрсатиб ўтилган рақамлар одамни чуқур ўйга толдиради. Иқтисодиётни тўғри йўлда сақлаш, янги имкониятлар топиш, қийин вазифаларни бажариш нақадар муҳим экани англади. Камчиликлар, ечимини кутаётган муаммолар ҳақида Ўзбекистон ХДП фаолларининг фикр-мулоҳазалари билан қизиқдик.

Қизилгул ҚОСИМОВА,
Олий Мажлис Қонунчилик палатаси-даги Ўзбекистон ХДП фракцияси аъзоси:

— Давлат раҳбарининг гапларидан берафқ бўлмаган ҳар қандай инсон ўзига керакли хулосани чиқариб олади. Тўғри, биз парламентада бир неча йилдан буюн бюджетнома шаклидаги қонунни кўриб, тасдиқлаямиз.

ХАЛҚ ДАРДИМИ, "ХАЙП" ДАРДИ?

Кеча парламент куйи палатасида сайлов қонунчилигини такомиллаштиришга хизмат қиладиган Конституциявий қонун лойиҳаси муҳокамасида бевосита қатнашдик. Аввало, бундай имкониятни яратган, таклиф қилган палата раҳбариятига миннатдорлик билдиришимиз керак. Бу амалиёт сиёсий партияларнинг дастурий мақсадлари, электорат манфаатлари билан чамбарчас боғлиқ масалалар, қонун лойиҳалари муҳокамаларида ҳам вақти-вақти билан давом этса, парламентимизда демократик анъана тусига кирса, фақат яхшиликка хизмат қиларди, деб ўйлаймиз.

Хурматли депутатлар қонун лойиҳасини синчиқлаб, турли нуқтага назардан ёндашиб, атрофлича муҳокама қилишди. Сайлов тизими такомиллаштириш, парламентаризм, плюрализм ривожланиши учун бундай қонунлар, катта ўзгаришлар керак. Аралаш сайлов тизими ҳар биримиз учун янгилик, жамиятимизда ўзига хос янгилик муҳитни юзага келтириши аниқ. Миллий давлатчилигимиз тарихида қолладиган, эҳтимол, катта тарих

яратадиган янги демократик институт жорий этилиши кутилмоқда. Фақат можаритар тизим орқали шаклланган парламентдан кўра аралаш тизим орқали шаклланган парламент ҳар томонлама кучлироқ бўлади. Қонун лойиҳаси муҳимлиги ҳақида узоқ гапириш мумкин. Ҳозирча асосийси, уни сифатли, кейин муаммо туғилмайдиган шаклда қабул қилиш. Бугун муҳокама яна давом этади. Депутатларга, айниқса, масъул қўмигага, мутахассисларга куч-қувват тилашимиз тўғри бўлади.

Очғи, жараёни кузатиб, бир мамнун, бир ҳайрон қоламан. Аралаш таассурот. Ҳайрон қолдиргани мамлакат келажаги учун муҳим бўлиб турган лойиҳа муҳокамасида санокли депутатлар фаол иштирок этгани бўлди. Иккинчи ўқиш бўлгани учундир. Асосий саволлар, фикрлар қўмига, фракция мажлисларида ўтган. Ялпи мажлисда кўпроқ ўта принципиал масалалар кўтарилди — тўғри. Кечаги муҳокама-ларда муҳим саволлар берилди, четдан қараганда, асосли, асосси мунозаралар ҳам бўлди.

ЎзЛиДеПдан сайланган депутат Дониёр Ғаниев бир қарашда қизиқ саволларни ҳам кўтарди, қонун лойиҳаси концепциясига алоқадор бўлмаган масалалар-

га ўтиб кетаётгани айtilса ҳам, қайта-қайта сўз олди. Принцип бўлгани бир томондан яхши, албатта. Лекин баъзи ўринларда залда масала принципдами, ўзини кўрсатишга мойил инжиқликдами, деган қарашлар ҳам кўзга чалинди. Ўз фракцияси вакили билан озроқ тортишгани бошқа мулоҳазаларни ҳам юзага келтирган бўлса ажаб эмас. Биринчи ўқиш бўйича мажлисда мустақил номзод ҳақидаги масалани кўтаргани, можаритар тизим асосида сайланган депутат фракцияси билан ҳисоблашишга мажбур эмаслиги, депутатликка сайлангандан кейин фракциядан чиқиши ёки ўзгариши мумкинлиги ҳақидаги фикрлари қонун лойиҳасидан кўра кўпроқ унинг ўзига тааллуқлидек. Гўё у ниманидир хоҳлайдиган фракцияси билан амалга оширишининг имкони бўлмаётгандек.

Фикрлар, таклифлар асосида муҳокамалар бўлиши керак. Лекин муҳокамалар мақсадга, қарор сифатига таъсир қилмас, кўпчилигининг вақтини ўғирлашдан маъно чиқмайди. Кечаги мажлисда ҳайрон қолдирган жихат шундаки, жараёни секинлатиб, ҳушдор тушунарсиз завқ олади-гандек туюлди.

ЎЗМТДП дан сайланган тажрибали депутат Илҳом Абдуллаев "кузатиш" деган сўз баҳонасида, шунингдек, ОАВ ходимининг овоз бериш кабинасига кириш ёки кирмаслиги билан боғлиқ принципиал аниқ масалада баҳс очиб, фракциядоши Жаҳонгир Шириновнинг асабларини синнади. ОАВ ходими ёрдам учун ҳам, кимдир ялинса ҳам овоз бериш кабинасига кириши мумкин эмас. Кимнингдир ёрдам сўраш, ишониш ҳуқуқи журналистнинг бурчи, мажбуриятини бузишига асос бўлолмайди.

Қайсарлик, инжиқлик ёки шахсий номувофиқлик муҳокамалар сифати ва самарасига салбий таъсир қилиши мумкин. Фақат ўзиникини маъқуллайдиган, бошқаларнинг вақтини ҳурмат қилмайдиган, фикрини тушуниши истамайдиганлар камайиши, парламент пиар ёки хайллардан банд турадиган даргоҳ эканини англайдиган депутатлар кўпайиши учун ҳам аралаш сайлов тизими зарурга ўхшайди. Демак, ўз вақтида рўёбга чиқаётган сиёсий ислохотга гувоҳ бўлаёмиз. Бунинг янгиланган Конституцияни қўллаётганда халқимиз истаган.

Тўлқин ТЎРАХОНОВ.

бир неча йиллардан бери камайгани йўқ.

Бу масалада маҳаллий ҳокимликларнинг зиммасига тушадиган вазифалар, молиявий харажатлар ўз вақтида молиялаштирилиши бўйича маҳаллий Кенгашлардаги партия гуруҳларимиз билан режа асосида депутатлик ва жамоатчилик назоратини олиб боришимиз зарур. 2023 йил якунларида натижалар қандай бўлади, деган масалада бизда ҳам таҳлилларга асосланган жавобларимиз бўлиши керак.

Эҳтимол, имкониятга қараб соғлиқни сақлашни маблағ билан таъминлаш бўйича ҳудудларнинг масъулиятини ошириш керакдир. Агар ҳудуд маблағни ўзи ажратиб ишлатса, назорат ҳам, пулнинг сарфланиш сифати ҳам кўпроқ бўларди.



Лекин унинг ижроси бўйича "қанча пул қарерга сарфланди?" деган умумийроқ саволлар билан чегараланиб қолиш — тўғри эмас. Бу галги видеоселектор бошқача ўтди. Унда бюджетни шакллантиришда унинг прогнози, яъни биз олдиндан кўришимиз керак бўлган жихатларга эътибор қаратилди. Масалан, бюджетга қанча маблағ келяпти, қанча тушум бўлади, деган саволлар ўртага ташланди. Чунки эртанги харажатларни тушадиган даромаддан келиб чиққан ҳолда белгилаш керак бўлади.

Яна бир нарсани айтиш керакки, Президент ҳар гал турли соҳаларга эътибор қаратади. Аммо ижтимоий соҳа, албатта, уларнинг олдинги қаторларида туради.

Афсуски, дунё тинч эмас. Ер юзининг турли минтақаларида давом этаётган турли низолар, нотинчликлар Ўзбекистоннинг иқтисодига ҳам таъсир қилади. Шунда ҳам ижтимоий соҳа асло четда қолмапти. Хусусан, соғлиқни сақлаш соҳасидаги ислохотлар анча маблағ ва куч эвазига оёққа туряпти.

Демак, давлат бюджетни ҳисобидан амалга оширилаётган ишлар натижаси, уларнинг самарадорлиги ҳақида устувор бўлиб қолаверади. Халқнинг маблағи манзилли, мақсадли сарфланиши депутат ва жамоатчилик назорати билан таъминланади. Шу сабабли масъулият биргина шахс ёки ташкилотга тегишли эмас, ҳаммамизни ташвишлантириши зарур, деб ўйлайман.

2024 йил учун бюджетни шакллантириш жараёнида ижтимоий соҳа, хусусан, соғлиқни сақлашга йўналтириладиган маблағлар қатъий режалаштирилиши, вазирлик бунга масъул бўлиши муҳим, деб ўйлайман. Афсуски, белгиланган маблағлар бошқа мақсадларга йўналтирилган, ишлатилмай қолган ҳолатлар

Фирдавс ШАРИПОВ,
Олий Мажлис Қонунчилик палатаси-даги Ўзбекистон ХДП фракцияси аъзоси:

— Аввало айтишни истардимки, бюджетдан ижтимоий соҳага ажратилаётган маблағларнинг миқдори йилдан-йилга ортиб бораётгани одамни хурсанд қилади. Ўзбекистон 2030 стратегиясида ҳам бу борада алоҳида вазифалар белгилаб берилган. Келгуси йил давлат бюджетини ишлаб чиқишда ҳам бу йўналишга урғу берилди.

Хусусан, инсон капиталини ривожлантириш, уни улғайтириш, салоҳиятини ўстириш билан боғлиқ соҳаларга маблағлар ажратиш ҳақида гап борди ва бу йил ҳар галгидан 15 фоиз кўпроқ пул йўналтирилиши таъкидланди. Таълим тизимини ривожлантириш, мактабларнинг сонини ошириш, ундаги шароитларни яхшилаш зарурати ҳақида гапирилди. Бу, албатта, одамни хурсанд қилади. Сабаби, ҳудудларга чиққанмизда одамларнинг мактаблар билан боғлиқ кўплаб муурожаатларига дуч келамиз.

Режа бора, маблағ йўналтирилади. Муҳим масала эса улардан тўғри ва ўз ўрнида фойдаланишни ташкил этиш ва бунинг устидан назорат ўрнатишдир. Афсуски, бу борада бизда турли муаммолар кузатилади. Маблағлардан ноўрин ёки тартибсизлик билан фойдаланиш, сўнги манзилига етиб бормаслик каби ҳолатлар бор. Шунинг учун қонунчиликка бюджет интизомини кучайтириш билан боғлиқ ўзгаришлар киритиш зарур, деб ҳисоблайман.

Зилола УБАЙДУЛЛАЕВА
тайёрлади.

ЎЗБЕКИСТОН ВА ХИТОЙ ҲАМКОРЛИК ЯНГИ БОСҚИЧГА ЧИҚМОҚДА



Шерзод РАҲМОНОВ,
Олий Мажлис Қонунчилик палатаси депутати,
Ўзбекистон ХДП фракцияси аъзоси:

— Ўзбекистон ва Хитой муносабатлари кўхна Шарқ цивилизацияларининг кўп асрлик дўстона ва маданий тарихига эга. Кейинги йилларда расмий Тошкент ва Пекин ўртасидаги ҳар томонлама стратегик муносабатлар барқарор тус олди. Икки давлат раҳбарларининг ўзаро ташрифлари ва учрашувлари барча даражадаги ҳамкорлик алоқаларини янада муштақамлаб, янги уфқлар очмоқда.

Марказий Осиёнинг энг йирик сармоявий ва ишончли бизнес шерикларидан бири бўлган Хитой билан кенг қўламли ҳамкорлик Ўзбекистон учун узоқ муддатли барқарор тараққиётнинг омилли ҳисобланади.

Ўзбекистонда Хитой инвестициялари ҳажми беш баробар ошди. ХХР компаниялари сони уч бараварга кўпайиб, жорий йил бошидан буюн ўзаро савдо ҳажми 36 фоизга ўсди. Бу кўрсаткич йил охирига 10 миллиард доллардан ортиши кутилмоқда.

Ўзбекистон янги иқтисодий мулоқотни шакллантириш ва Хитой билан яқин дўстона алоқаларни қўллаб-қувватлайди. Давлат раҳбарларининг ШХТ, Хитой ва Марказий Осиё саммити, "Бир макон, бир йўл" ташаббуси доирасидаги мунтазам учрашувлари, шунингдек, минтақавий даражадаги мунтазам икки томонлама мулоқотлар глобал беқарорлик шароитида Хитой ва Ўзбекистоннинг умумий манфаатлари кенг қўламли эканлигини кўрсатмоқда.

Президентимиз Шавкат Мирзиёевнинг шу йил 17-18 октябрь кунлари ушбу мамлакатга ташрифи ўзаро ҳамкорликнинг янги босқичини бошлаб берди. Ташриф доирасида Президентимиз Пекин шаҳрида "Бир макон — бир йўл" халқаро форумининг очилиш маросимида ҳамда "Инсон ва табиат уйғунлиги йўлида" Яшил ипак йўлини" биргаликда барпо этиш" мавзусидаги йиғилишда ҳам иштирок этди.

"Бир макон, бир йўл" ташаббуси — бу турли қитъаларда жойлашган мамлакатлар ўртасидаги иқтисодий ҳамкорликни янада кенгайтириш, жумладан, янада қулай шароитлар яратиш орқали савдо ва инвестиция, транспорт-коммуникация инфраструктурасини ривожлантириш, қишлоқ хўжалиги, туризм, таълим ва маданият соҳаларида шериклик салоҳиятини муштақамлаш воситасида Буюк ипак йўлини қайта тиклашга қаратилган аср лойиҳаси ҳисобланади.

Президентимиз "Бир макон, бир йўл" учинчи халқаро форумидаги нутқида бир қатор аниқ таклиф ва амалий ташаббусларни илгари сурди. Нутқда айтиб ўтилганидек, Буюк ипак йўлини қайта тиклашга қаратилган улғувор ғоя тарихан қисқа даврда кўплаб тарафдорларига эга бўлди ва халқаро ҳамкорликнинг янги моделига айланди. Бу умумий тараққиёт ва фаровонликка эришиш йўлидаги зарурий, инклюзив ва очик платформага айланди.

Қисқача айтганда, давлатимиз раҳбарининг Хитой Халқ Республикасига ташрифи якунлари томонларнинг сиёсий, савдо-иқтисодий, транспорт-коммуникация, маданий-гуманитар соҳалардаги стратегик шериклик муносабатларини кенгайтиришга бўлган муштарак мақсадларидан далолат беради.



ҲОКИМЛАР ДЕМОКРАТИЯНИ ҚАНДАЙ ТУШУНАДИ?

БИРИНЧИ САВОЛ: — Демократияни қандай тушунади?

ИККИНЧИ САВОЛ: — Янгиланган Конституцияга кўра, халқ депутатлари Кенгаши раҳбари ҳоким бўлиши мумкин эмас, деб белгиланди. Ушбу меъёрга муносабатингиз, яъни фаолиятингиз ва қарорларингизга қандай таъсир қилади, деб ўйлайсиз?

УЧИНЧИ САВОЛ: — Ўзбекистонда партиялар фракциялари Олий Мажлис Қонунчилик палатаси депутатларини сайлашнинг аралаш тизимига ўтиш тўғрисидаги конституциявий қонун лойиҳасини муҳокама қилмоқда. Бу борадаги фикрларингизни билдирсангиз.

3 ТА САВОЛГА 3 ҲОКИМ ЖАВОБИ

Сарвар СУЛТОНОВ,
Ширин шаҳар ҳокими:

✓ — Демократияни ҳар ким ҳар хил талқин этади. Кимдир демократия бу ошкоралик, ҳаёлингга келганини очикчасига юзига айтиш, деб ўйлайди. Демократия аслида халқ ҳокимиятини ифода этиб, давлат бошқарувида сайланиш ва ўз вакилларини сайлаш орқали барчанинг тенг ҳуқуқли иштироки таъминланишини кўзда тутаяди.

Айнан бу тамойил янгиланган Конституциямизнинг 1-моддасида белгилаб қўйилди, яъни "Ўзбекистон — бошқарувнинг республика шаклига эга бўлган суверен, демократик, ҳуқуқий, ижтимоий ва дунёвий давлат".

Шунинг учун "Бизда демократия йўқ" дегувчиларнинг фикрига қўшилмайман. Ҳеч ким давлат бошқарувида сайланиш ва ўз вакилларини сайлаш ҳуқуқидан чеклаб қўйилгани йўқ. Ҳар қандай Ўзбекистон фуқароси давлат бошқарувида сайланишни истаса маълумоти, қобилияти, иқтидори, сиёсий билими етса, ёши тўғри келса, бемалол номзодини қўйиши мумкин. Сайловчилар томонидан берилган овозни тўплай олса, бемалол давлат бошқаруви органларида фаолият юритиши, шунингдек, 18 ёшга тўлган мулоқотга лаёқатли Ўзбекистон фуқаролари сайловларда иштирок этиб ўзи хоҳлаган номзодга овоз бериши мумкин.

Бу тамойил Ўзбекистон Республикаси Конституциясининг XXII боб, 128-моддасида ўз ифодасини топади: "Ўзбекистон Республикасининг фуқаролари давлат ҳокимияти вакиллик органларига сайлаш ва сайланиш ҳуқуқига эгадирлар".

Бундан кўришиб турибдики, мамлакатимизда демократия чекланмаган.

✓ — Ўзбекистон Республикаси Конституциясининг 120-121-моддаларига мувофиқ, маҳаллий давлат бошқарувида вакиллик ва ижро этувчи органлар бир-биридан ажратилмоқда.

Бу борадаги аввалги тартиб ҳокимиятнинг бўлиниши ва ҳокимият бўғинларининг ўзаро тийиб туриш принцигига зид эди. Бош Қомуснинг янги таҳририга асосан бунга барҳам берилиб, маҳаллий кенгашлар сайланадиган вакиллик органлари, ҳокимликлар эса ижро органлари, деб белгиланмоқда.

Шунга мувофиқ, навбатдаги сайловлардан кейин ҳокимларнинг Кенгашларда раислик қилишига барҳам берилди. Маҳаллий Кенгашлар раислари Кенгаш депутатлари орасидан 5 йил муддатга сайланади. Ҳокимлар эса 5 йил муддатга тайинланади, тайинланган ҳокимни кенгашлар тасдиқлайди. Шу тарихи Кенгаш раислари ҳам, ҳокимлар ҳам тўғридан-тўғри аҳоли томонидан сайланмайди. Кенгашларнинг ваколатлари ҳам кенгайтирилди.

Ҳокимлар ва маҳаллий Кенгашларнинг фаолиятини ташкил этиш тартиби бўйича алоҳида қонунлар қабул қилинади. Маҳаллий масалалар бўйича уларнинг ваколатлари қандай тақсимланиши ана шу қонунларда акс этади.

✓ — Референдум ва сайлов тўғрисидаги қонунчиликни такомиллаштириш зарурати мавжуд.

Конституциявий қонун лойиҳасида Сайлов кодексига ҳамда 7 та қонунга ўзгартириш ва қўшимчалар киритиш назарда тутилмоқда. Агар Қонунчилик палатаси сайловини аралаш (мажоритар, пропорционал) сайлов тизими асосида ўтказиши йўлга қўйилса, сайлов округлари бир мандатли ва ягона сайлов округларига ажратилади. Қонунчилик палатасининг 75 нафар депутати мажоритар сайлов тизими асосида бир мандатли сайлов округларидан, қолган 75 нафари пропорционал сайлов тизими (номзодлар рўйхати) асосида сиёсий партияларга берилган овозлар бўйича ягона сайлов округидан сайланиши керак бўлади.

Умуман, аралаш сайлов тизимига оид ўзгаришлар жамиятимизни янада демократлашуви, сиёсий партияларнинг кўпайиши, фикрлар хилма-хиллигига олиб келади. Табиийки, бу рақобатни, рақобат эса ривожланишни таъминлайди.

Комилжон ЭРНАЗАРОВ,
Қолтин тумани ҳокими:

✓ — Маълумки, демократия бу халқ ҳокимияти деганидир. Умумий тарзда демократия деганда ҳамманинг манфаатлари йўлида кўпчиликнинг ҳокимияти ва озчиликнинг иродасини ҳурмат қилиш тушунади. Шунинг алоҳида таъкиллаш керакки, демократия ҳамма давлатларда ҳам бир хил эмас. Чунки ҳар бир давлат демократияни умумий қадрият ва тамойилларини ўз миллий қадриятлари замирида, халқининг узоқ тарихи давомида шаклланган анъаналари, урф-одатлари, қадриятлари билан қўшиб қабул қилади.

Этиборлиси, демократик давлатда инсон манфаати, кадр-қиммати, ҳаёти ҳар нарсадан юқори туради. Бундан давлат ўзини ўзи бошқариш, кўппартиявийлик, оммавий ахборот воситаларининг эркин бўлиши, фикрлар хилма-хиллигига шароит яратаяди.

Яна бир муҳим масала. Демократиянинг ажралмас қисми интизом, қонунларни ҳурмат қилиш, бошқаларнинг ҳақ-ҳуқуқини ҳимоя қилишдир. Демократия тартиботлари ҳуқуқий давлатда мукамал ривожланиб боради. Бир сўз билан айтганда, биз мана шундай такомиллашган, ҳаммага ўрнатилган демократик йўлдан бораёмиз.

✓ — Янги таҳрирдаги Бош қомусимизда мазкур нормаларнинг мустаҳкамланиши ҳокимларнинг Кенгашлар олдида масъулиятини оширишга, ҳокимликлар фаолияти устидан Кенгаш ва депутатлар назоратини кучайтиришга хизмат қилади.

Шунингдек, киритилган янгилик халқ депутатлари Кенгаши фаолигини оширади. Натижада жамиятнинг вакиллик демократиясига ишончи ва бунинг таъсирида сиёсий фаолиги, маҳаллий давлат бошқаруви жараёндаридидаги иштироки кенгайди.

Халқ депутатлари Кенгашларини ҳудудларда мавжуд муаммоларни ҳал қилишдаги асосий бўғинга айлантиришга хизмат қилади. "Халқ давлат ҳокимиятининг бирдан-бир манбаидир" конституциявий принципини амалга оширишга хизмат қилувчи ҳокимлик идоралари раҳбарларининг халқ депутатлари Кенгашлари олдида ҳисобот берадиган самарали тизим йўлга қўйилади.

Энг муҳими, ҳокимларнинг ўзлари қарор қабул қилиб, ўзлари бошчилик қиладиган Кенгашларда ушбу қарорларни тасдиқлашти, кейинчалик унинг ижросини назорат қилиш каби амалиётга чек қўйилади. Яъни, сайлов янгилик асосида Кенгашларнинг фаолияти, авваламбор, маҳаллий аҳоли манфаатларидан келиб чиқиб қарорлар қабул қилишига йўналтирилса, ҳокимнинг фаолияти эса мазкур қарорларни ижро қилишга қаратилади.

✓ — Демократия кўзгуси бу сайловлардир. Ҳар бир шахс сайловлар орқали жамият ва давлат ишларини бошқаришда бевосита иштирок этади, мамлакат тақдирига бефарқ эмаслигини намоян эатади. Шундан келиб чиқиб, фуқароларнинг мамлакат бошқарувида янада кенг иштирокини таъминлаш мақсадида сайлов қонунчилиги изчил такомиллаштириб борилмоқда.

Пропорционал тизим бу янги илғор демократик тажриба бўлиб, дунёнинг кўплаб давлатларининг ижтимоий-иқтисодий ривожланишига хизмат қилган. Ўзининг самарасини берган тажриба десак, асло муболаға бўлмайди. Ушбу тизимнинг афзаллиги сайлов ҳуқуқига эга бўлган фуқароларнинг сиёсий иродасини тўлиқ сайлов жараёнида акс эттиришга хизмат қилади. Яъни, сайловда нафақат ютиб чиққан партия ўз дастурини амалга оширишга мандат олади, балки бошқа партияларни ҳам илгари сурган ғояларини парламент орқали ҳаётга татбиқ этишга имконият беради.

Мажоритар сайловда сайловчи номзодга овоз берса, пропорционал сайловда эса сайловчи партияга овоз беради. Бу ўз-ўзидан кўришиб турибдики, сиёсий партиянинг жамиятдаги ўрни ва нуфузини оширади. Шунингдек, фуқаролик жамияти институтларининг фаолигини оширишга хизмат қилади. қайси партиянинг ғоя ва илгари сураётган сайловолди дастурлари кучли бўлса, халқ шу партияга овоз беради. Энди сайловларда, албатта, ҳақиқий сиёсий кураш бўлади, десам тўғри бўлади.

Восилжон НАЗАРОВ,
Фарғона шаҳар ҳокими:

✓ — Демократия давлат билан инсон муносабатларини белгилайди. Кишилиқ жамияти пайдо бўлганданок демократиянинг қуртаклари бор эди ва у ҳозир энг таракқий этган мамлакатларда ҳам ўзининг сўнгги чўққисига эришганича йўқ.

Ҳар бир давлатда, миллатда ўзига хос қадриятлар, менталитет, анъаналар мавжуддир. Улар жамиятдаги демократик жараёнларга катта таъсир кўрсатади, бинобарин демократик муассасаларни шакллантиришда мазкур омиллар, албатта, ҳисобга олинади.

Ўзбекистон мустақилликка эришгач, демократик ҳуқуқий давлат ва бозор иқтисодиётини қарор топтириш йўлида катта қадам қўйди. Демократик тартиботларни ҳаётга олиб кирувчи, демократик сиёсий тизим таркибий тузилмаларини ҳамда фуқаролик жамияти бўғинларини вужудга келтирувчи, инсон ҳуқуқлари кафолатлари тизимини қарор топтирувчи қонунлар қабул қилиниб, амалда ишлай бошлади.

✓ — Киритилаётган янгилик халқ депутатлари Кенгаши фаолигини оширади ва натижада жамиятнинг вакиллик демократиясига ишончи, бунинг таъсирида сиёсий фаолиги, маҳаллий давлат бошқаруви жараёндаридидаги иштироки кенгайди.

Ушбу янгилик асосида Кенгашларнинг фаолияти, авваламбор, маҳаллий аҳоли манфаатларидан келиб чиқиб қарорлар қабул қилишга йўналтирилса, ҳокимнинг фаолияти эса мазкур қарорларни ижро қилишга қаратилади.

✓ — Ҳар бир давлатда сайлов тизимлари ва сайлов структураси фуқароларнинг сиёсий фаолиги, тарихий омилларга кўра танланади. Энг ривожланган демократик давлатларда ҳам сайлов тизимлари бир хил эмас.

Менимча, мамлакатимизда мажоритар тизим билан бирга пропорционал тизимга ўтилаётгани тўғри йўл бўлмоқда. Партиялар ҳам ғоявий, ҳам мафкуравий жиҳатдан кучаяди. Масалан, сайловга борганимизда 5 та партия рўйхати бўлади сайлаш учун. Биз битта партияни танлаб овоз берамиз. Партиялар ўз репутациясини яхшироқ кўрсатиш орқали овоз олади, шунинг учун партиялар ўз дастурлари ва имижи устида кучли ишлайди. Партия тепасидаги одамларни ҳам халқ танийдиганлардан танлашга ҳаракат қилишди, бу эса партияларни кучайтиради.

Саволларга ҳокимлардан жавоб олиш учун матбуот хизматлари билан боғланганимизда уларнинг аксарияти имкон қадар саволлардан, ҳоким билан сўхбат ташкил қилишдан сақланишга ҳаракат қилишди. Демократия, қонун устуворлиги каби муҳим мавзуларда фикр билдиришга қийналишди чоғи.

Жавобларга келсак, уларнинг барчаси деярли бир хил бўлиб, анча формал шаклда ёзилган эди. Йирик арбоблар, сиёсатчиларнинг қўлланмалари, мақолаларида ишлатилган жумлалар ишлатилган. Бу бир томондан яхши. Ҳокимлар шу даражада юксак, илмий асосланган муносабат билдириши хурсанд бўлишга арзийди.

Иккинчи томондан эса юборилган жавоблар сиёсий адабиётлардаги изоҳларга, таърифларга жуда ўхшашиб кетади. Айниқса, бир-биридан анча узоқ бўлган ҳудудларнинг раҳбарлари юборган жавобларнинг деярли бир хил эканидан таажубга тушасиз. Нима бўлганда ҳам савол бериш, фикр билдириш маданияти ўлмасин.

Зилола УБАЙДУЛЛАЕВА,
"Ўзбекистон овози" муҳбири.

ХАЛҚНИНГ, МАМЛАКАТНИНГ РАВНАҚИ РАҲБАРЛАРНИНГ ҚОНУН-ҚОИДАЛАРГА МУНОСАБАТИ, ДУНЁҚАРАШИ ДАРАЖАСИ БИЛАН ЧАМБАРЧАС БОҒЛИҚ. ТАРИХИЙ ШАРОИТ, ИЖТИМОИЙ ПСИХОЛОГИЯ ШУНДАЙ: ЮРТДОШЛАРИМИЗ ҲУДУДИЙ РАҲБАРЛАР, ХУСУСАН, ҲОКИМЛАРДАН КўП НАРСА ўРГАНАДИ. УЛАРНИНГ ЮРИШ-ТУРИШИ, ҚОНУНЛАРГА РИОЯ ЭТИШИ, ХАТТИ-ХАРАКАТЛАРИДАН АНДОЗА ОЛАДИ, ХАТТО ТАҚЛИД ҚИЛАДИ. ЖАНОБ ҲОКИМЛАР ҚОНУНЛАРНИ, ДЕМОКРАТИЯНИ ҲУРМАТ ҚИЛСА, ЖАМИЯТ ҲАМ ШУНГА ҚАРАБ РИВОЖЛАНДИ. УЧИНЧИ РЕНЕСАНСНИНГ ҚУРИЛИШИ ҲАМ КўП ЖИХАТДАН РАҲБАРЛАРГА БОҒЛИҚ. АГАР РАҲБАРЛАР ҚОНУНЛАРНИ, ПРЕЗИДЕНТ ҚАРОР ВА ФАРМОНЛАРИ, ТОПШИРИҚЛАРИНИ, ДЕМОКРАТИЯНИ Тўғри ТУШУНМАЙДИГАН БўЛСА, РИВОЖЛАНИШ АНЧА ҚИЙИНЛАШАДИ. ШУ КУНЛАРДА САЙЛОВ ҚОНУНЧИЛИГИГА ЖИДДИЙ ўЗГАРИШЛАР КИРИТИШ БИЛАН БОҒЛИҚ ЛОЙИҲА МУҲОКАМА ҚИЛИНМОҚДА. ОЛДИНДА ТУРГАН МУҲИМ СИЁСИЙ ИСЛОҲОТЛАР ҚАЙ ДАРАЖАДА АМАЛГА ОШИШИ ҲУДУДИЙ РАҲБАРЛАРГА ҲАМ БОҒЛИҚ. ҲОКИМЛИКЛАР КАТТА ўЗГАРИШЛАРГА ҚАНЧАЛИК ТАЙЁР?



УН НАРХИДАН ХАВОТИР АСОССИЗМИ?

Вазир ўринбосари билмай гапирадими?..

ШУ ЙИЛ СЕНТЯБРЬ ОЙИНИНГ ОХИРГИ УН КУНЛИГИДА ҚОЗОҒИСТОНДА ЭКСПОРТ УНИНИНГ НАРХИ ҚИММАТЛАШДИ. БУ ЎЗБЕКИСТОН БОЗОРЛАРИДАГИ НАРХЛАРГА ҲАМ ТАЪСИРИНИ КЎРСАТДИ, УЛГУРЖИ НАРХИ 215 МИНГ СЎМДАН СОТИЛГАН МАҲАЛЛИЙ УНЛАР 250 МИНГ СЎМГА, 310-315 МИНГ СЎМДАН СОТИЛГАН ҚОЗОҒИСТОНДАН ИМПОРТ ҚИЛИНУВЧИ УНЛАР 400-450 МИНГ СЎМГАЧА ҚИММАТЛАДИ.

ДАМ ОЛИШ КУНЛАРИ ПОЙТАХТИМИЗДАГИ БИР ҚАНЧА МИНИМАРКЕНТ ВА ДЎКОНЛАРДА СОТИЛАЁТГАН УН НАРХЛАРИ БИЛАН ҚИЗИҚИБ КЎРДИМ. НАРХЛАРИ ЎША ОШГАН ҲОЛАТИДА ТУРИБДИ, ЎЗГАРМАБДИ. МАСАЛАН, 10 КИЛОГРАММИК ҚОЗОҒИСТОНДАН КЕЛАДИГАН МАШХУР УН НАРХИ 30 МИНГГА ҚИММАТЛАШГАН. МИНИМАРКЕТ ВА ДЎКОН ЭГАЛАРИНИНГ ФИКРИЧА, НАРХЛАР ЯНАДА ОШИШИ МУМКИН ЭКАН.

Шунда жорий йил сентябрь ойининг охири кунларида қишлоқ хўжалиги вазири ўринбосари Анвар Каримовнинг баёнотимиз ахбороти ёдимга тушди:

— Бугдой маҳсулотларига бўлган ички талабни қондириш учун етарли миқдорда захира шакллантирилган. Бозорларда 1 қоп Ўзбекистон уни 210-220 мингдан, Қозоғистон 1-нав уни 330-340 мингдан сотилмоқда. Қозоғистон уни 285 мингдан бошланади нархи, 350 минггача. Асосий бозорларда нархлар шундай.

Ўтган йили ҳам сентябрь ойида Қозоғистон бугдойи нархи кўтарилиб, октябрга бориб пасайган. Бу йилда етиштирилган ҳосил ва 8 ой давомида импорт қилинган бугдой ун маҳсулотларига бўлган талабни бемалол қондиради. Қозоқ бугдойи вақтинчалик тўхтаб қолгани учун ажиотаж бўлиши мумкин, нархлар 20 кунларда жойига келади.

Лекин амалда вазир ўринбосари айтганидек бўлмайдиганга ўхшамоқда. Билмасдан, яхши ниятда гапирганимизми?.. Вазирликнинг матбуот хизматида вазир ўринбосари айтган 20 кун эмас, бир ойдан ҳам ошди, унинг нархи қимматлигича қолмоқда, нарх яна кўтарилиши мумкинлиги ҳақидаги хавотирларга қандай изоҳ берилади, деган мазмунда бир нечта саволлар билан муурожаат қилдик.

2 ҳафтадан бери жавоб келмади, ҳозирча келмагандир. Вазирлик вакиллари чуқур ўйлаб, вазиятни обдон ўрганиб маълумот бергунча бошқа муассасалар вакилларида изоҳ олишга ҳаракат қилдик.

Вазирлар Маҳкамаси ҳузуридаги Макроиқтисодий ва ҳудудий тадқиқотлар институти бўлим бошлиғи, иқтисодийёт фанлари доктори, профессор Рустам Ҳасанов дунёда, мамлакатимизда дон ва ун маҳсулотлари билан боғлиқ ҳолат қанақа эканлиги тўғрисида бир нечта саволларимизга жавоб берди.

— **Жаҳонда озиқ-овқат маҳсулотларига талаб ортиб бориши баробарида тақчилликлар юзага келмоқда. Бугдой ва ун маҳсулотларининг нархлари ўзгармоқда. Бунга айримлар экспорт-импортда логистика харажатлари ошши кетгани билан боғлашмоқда. Бу қанчалик тўғри?**

— Дунёда бугдой экспорт қиладиган 6 етакчи давлат, минтақа бор. Улар — Рос-



сия, Канада, АҚШ, Австралия, Украина, Европа Иттифоқи ҳисобланади. Россия бугдой экспорти бўйича дунёда биринчи ўринда туради.

Бугдой ва ун маҳсулотлари нархи кўтарилишига бир нечта сабаблар бор. Биринчидан, дунёдаги таҳликали вазият РФ ва Украина ўртасидаги мижоз билан боғлиқ. РФ га қўйилган санкциялар ва транспорт-логистика чекловлари бозордаги ноаниқликларни келтириб чиқариб, нархлар кўтарилишига таъсир қилмоқда.

Иккинчидан, иқлим ўзгариши, сув танқислиги ва қурғоқчиликнинг ортиб бориши билан боғлиқ экологик муаммолар таъсирида кечмоқда. Кейинги ўн йиллик иқлим ўзгариши ва сув танқислиги бугдой етиштирувчи мамлакатларда ҳароратнинг икки баробарга исшиб кетиши сув ресурсларига эҳтиёжнинг ўсиб бораётганини тасдиқламоқда.

Учинчидан, бугдой ва ун экспорт қилувчи мамлакатларнинг экспорт-импорт сиёсатидаги ўзгаришлар бозордаги нарх-навога таъсир қилмоқда.

Масалан, Қозоғистон Республикаси 2023 йилнинг иккинчи ярмида бугдой экспортини чеклаши ва экспорт учун квоталарнинг қайта кўриб чиқилиши билан боғлиқ иқтисодий сиёсатида ўзгаришлар киритди. Натижада асосий импортёр бўлган Ўзбекистонда бугдой ва ун нархининг кўтарилиши кузатилди.

Тўртинчидан, аҳоли эҳтиёжининг ўсиб бориши ва бозордаги ажиотаж бугдой-ун нархининг ўсишига таъсир қилмоқда. Бугдой етиштириш ва ун ишлаб чиқариш ҳажмининг камайиб кетиши

билан боғлиқ шов-шувлар бозор нархи кўтарилишига олиб келмоқда.

Бешинчидан, бугдой ва ун нархининг кўтарилиши логистика харажатларига ҳам таъсир қилмоқда. Чунки маҳсулот таннархининг кўтарилиши транспорт ва бошқа логистика харажатлари нархининг ҳам қисман ошишига олиб келади. Бундан ташқари, нефть маҳсулотлари нархининг кўтарилиши, хизматлар ва солиқ ҳамда бошқа тўловларнинг ортиси фондида бугдой ва ун нархи ўзгариши мумкин бўлади.

Ўзбекистонда бугдой ва ун маҳсулотларини импорт қилинишига чекловлар қўйилмаган. 2022-2023 йилларда етказиб бериш мавсуми бошланганидан буюн Ўзбекистон Қозоғистонда ишлаб чиқарилган 406,6 минг тонна унни импорт қилди. Бу умумий ун экспортининг ярмидан бироз камини ташкил қилади. 2023 йил январь-июль ойларида биргина ғалла ва ғалла маҳсулотлари қарийб 700 млн. долларлик импорт қилинган.

— **Бозорларимизда барча турдаги ун нархи кўтарилганини қандай изоҳлайсиз?**

— Маълумотларга кўра, 2023 йил сентябрь ойида биринчи навли ун нархи деярли 14 фоизга ошди. Агар жорий йилнинг 5 сентябрида харажат 1 кг учун 3712,8 сўмни ташкил этган бўлса, 15 сентябрь охирига келиб 4230,5 сўмни ташкил этди. Агар август ойида фонд биржасида бугдой ўртача 1000 дан 2300 тоннагача сотиб олинган бўлса, сўнгги кунларда талаб деярли 6300 тоннагача ўсди. Шу вақт ичида учинчи тоифадаги 1 кг бугдой нархи 16,5 фоизга — 2426 сўмдан 2826,7 сўмгача кўтарилди. Ўзбекистонда 2022 йили бугдой уни нархи 15-23 фоизга ошганди.

Бугдой ва ун нархининг ўзгариши мавсумий хусусиятга эга бўлиб, об-ҳаво ва ҳосилдорликка қараб тебраниб туради. Ҳозирги кунда Ўзбекистонда бозор мувозанати изга тушди ва бу нарх даражаси йил охиригача сақланиб туради, яъни бозордаги вазият бугдой-ун нархининг кескин ошишига олиб келмайди. Чунки, кейинги ойлarda янги ҳосил ўрилиши, шунингдек, Қозоғистонда экспорт квотаси бекор қилиниши Ўзбекистонда бугдой ва ун нархининг барқарорлашини таъминлайди.

Бугунги кунда бугдой ва ун бозорининг 70-80 фоизи бозор нархларида шаклланимоқда. Қолаверса, давлат ижтимоий ҳимояга муҳтож аҳоли қатламларини қўллаб-қувватлаш чора-тадбирларини кўрмоқда.

Бугунги кунда Ўзбекистонда ун захираси етарли. Бозордаги талаб ва таклифга қараб, ун нархининг кескин кўтарилиб кетмаслигининг олдини олиш, бозордаги мувозанатни сақлаб туриш мақсадида захирадан маҳаллий ун бозорларга тақдим этиб борилади. Айни пайтда озиқ-овқат маҳсулотлари импортига акциз солиғи ва божхона божлари бозордаги вазиятга қараб, қайта кўриб чиқилиши белгиланган. Бундай ёндошувлар озиқ-овқат маҳсулотлари нархининг кескин кўтарилиб кетишининг олдини олади.

Тоштемир Худойқулов,
“Ўзбекистон овози” мухбири.

БИЛАСИЗМИ?

Пахтани ёнғиндан сақлаш талабларини биласизми?

Ёнғин хавфсизлиги қодаларига кўра:

— Пахта хом ашёсини табиий қуритиш майдонлари турар жой ва жамоат биноларидан ҳамда таъмирлаш цехларидан камида 150 метр, юқори ва паст кучланишли электр линиялар таянчларидан уларнинг 1,5 та баландлигига тенг масофада жойлаштирилиши;

— Пахта хом ашёсини табиий қуритиш майдонлари ёнғинни ўчириш мақсадида 50 м³ дан кам бўлмаган миқдорда сув захираси билан таъминланиши;

— Тракторлар, автомобиллар, пахта териш машиналарини тўхтаб туриш, уларни таъмирлаш, мойлаш ва ёнилғи қуйиш пахта хом ашёсини табиий қуритиш майдонларидан камида 50 метр масофада амалга оширилиши;

— Пахта ғарамларини титиш даврида пахта ташувчи машиналар, механизмлар ва автопоездлар гуруҳлар орасидаги 30 метрли масофани сақлаган ҳолатда жойлаштирилиши;

— Гуруҳлардаги пахта ғарамлари орасидаги масофа 15 метрдан, гуруҳлар ўртасида масофа эса 30 метрдан кам бўлмаслиги керак.

ИЖТИМОЙ ҲИМОЯГА МУҲТОЖ АҲОЛИ МУРОЖААТЛАРИНИ ТЕЗКОР КЎРИБ ЧИҚУВЧИ “ИШОНЧ ТЕЛЕФОНИ” ИШГА ТУШИРИЛАДИ

“Аҳолининг ижтимоий ҳимоя олиш ҳуқуқларини таъминлаш ҳамда давлат ижтимоий ёрдами ва хизматларини кўрсатишга доир қўшимча чора-тадбирлар тўғрисида”ги Ҳуқуқат қарори (539-сон, 14.10.2023 й.) қабул қилинди.

Қарорга кўра, 2023 йил 15 октябрдан:

— ўзгалар парваришига муҳтож бўлган ёлғиз яшовчи ҳамда ёлғиз кексалар ва ногиронлиги бўлган шахслар “Инсон” ижтимоий хизматлар кўрсатиш марказлари томонидан тасдиқланган жадвал асосида бир йилда бир маротаба қуқурлаштирилган тиббий кўрикдан ўтказилади;

— ижтимоий ходимларга фуқаролардан кам таъминланган оилалар болалари учун нафақа ва моддий ёрдам тайинлаш бўйича аризаларни қабул қилиш ваколати берилади.

2024 йил 1 январдан I гуруҳ ногиронлиги бўлган шахсга ёки 18 ёшгача ногиронлиги бўлган болага, шунингдек, даволаш муассасасининг хулосасига кўра ўзгаларнинг парваришига муҳтож бўлган 80 ёшга тўлган қариларга қараб туришнинг ҳақиқий ҳолатлари ижтимоий ходимлар томонидан бир йилда бир маротаба ўрганилади ва ўрганиш маълумотлари “Ягона миллий ижтимоий ҳимоя” ахборот тизими орқали юритиб борилади.

2024/2025 ўқув йилидан Ижтимоий ҳимоя миллий агентлиги томонидан ўтказиладиган “Энг фаол ижтимоий ходим” кўрик танловининг вилоят босқичида ғолиб бўлган ижтимоий ходимлар давлат олий таълим муассасаларига “Ижтимоий иш” мутахассислиги бўйича тўлов-контракт асосида ўқишга қабул қилинади.

2024 йил 1 июлдан моддий ёрдам ва бошқа ижтимоий хизматларни ҳисобга олишининг ягона тизимини яратиш орқали ҳар бир фуқаро (оила) учун белгиланган ижтимоий тўловлар, тақдим этилган имтиёзлар, шу жумладан, субсидиялар, хизматлар ва ёрдамларнинг ҳар бир фуқаро кесимида “Ижтимоий ҳимоя” АТда ҳисоби юритилади, шунингдек, қонунчилик ҳужжатларига мувофиқ очилган давлат жамғармалари ва бошқа жамғармалар интеграция қилинади.

Ижтимоий ҳимоя миллий агентлиги томонидан:

— 2023 йил 1 ноябрдан ижтимоий хизматлар ва ёрдамлар эксперимент тариқасида йўлга қўйиладиган туман (шаҳар)ларда “Инсон” ижтимоий хизматлар кўрсатиш марказларида оғир ҳаётий вазиятга тушган шахслар учун психологик ёрдам кўрсатиш тизими жорий этилади;

— 2023 йил 15 ноябргача ўзининг тизимига кирадиган ташкилотларга тегишли бино ва иншоотларига ижтимоий ҳимоя йўналишидаги нодавлат нотижорат ташкилотларини, заруратга кўра, текин фойдаланиш ҳуқуқи асосида жойлаштириш чоралари кўрилади;

— 2023 йил 1 декабргача тиббий-ижтимоий экспертизадан ўтказиш натижасига кўра, ногиронлиги бўлган шахс учун соғлигининг ҳолатига кўра мумкин бўлган меҳнат фаолияти турлари ва меҳнат шариотлари тўғрисидаги маълумотлар интеграцияси таъминланади;

— 2024 йил 1 январгача ижтимоий ҳимояга муҳтож аҳолининг муурожаатларини тезкор кўриб чиқишга мўлжалланган “Ишонч телефони” ишга туширилади.

Ногиронлиги бўлган болалар махсус шифобахш озиқ-овқатлар билан таъминланиш ҳуқуқига эга

Қонунчиликка кўра, ногиронлиги бўлган шахслар санаторий-курортда бепул соғломлаштириш, шунингдек, дори воситалари, ногиронлиги бўлган шахсларни парвариш қилиш учун мўлжалланган тиббий буюмлар ва ногиронлиги бўлган болалар учун махсус шифобахш озиқ-овқат маҳсулотлари билан таъминланиш ҳуқуқига эга.

t.me/huquqiyaxborot

SPORT

+17 Корақалпоғистон Республикаси
+22 Хоразм

+22 Бухоро
+27 Навоий

+20 Тошкент Самарқанд
+25 Жиззах Сирдарё

+23 Қашқадарё
+28 Сурхондарё

+18 Андижон Наманган
+23 Фарғона

+22 Тошкент
+24 шаҳри

t.me/uzbekiston_ovozi_gazetasi

facebook.com/uzbekistonovozi

instagram.com/uzbekiston_ovozi

info@uzbovozi.uz

www.uzbovozi.uz



ОСИЁ СПОРТИДА ЎЗБЕКИСТОННИНГ ЎРНИ БОР

Хитойнинг Ханчжоу шаҳрида IV Параоолимпия ўйинлари бўлиб ўтмоқда. Унда қитъамизнинг 43 давлатидан 4000 минг нафар пара атлетлар иштирок этмоқда. Тўрт йилликнинг энг нуфузли комплекс ўйинларида Ўзбекистон делегацияси ўз тарихида илк бор 11 спорт тури бўйича 108 нафар пара спортчилар билан қатнашмоқда. Шунинг таъкидлаш лозимки, ўйинларда вакилларимиз пара шахмат, пара каноэ, пара академик эшак эшиш, пара велоспорт, пара таэквондо ва пара стол тенниси

дастурлари бўйича илк мартаба бахсларга кирди.

Пара ўқ отиш, пара стол тенниси, пара енгил атлетика, пара дзюдо, пара таэквондо, пара пауэрлифтинг, пара велоспорт, пара каноэ, пара академик эшак эшиш, пара сузиш дастурларида паралимпиячиларимиз медаллар билан бир қаторда, келгуси йил Париж шаҳрида бўлиб ўтадиган Паралимпия ўйинлари лицензиялари ҳамда рейтинг очколари учун ҳам беллашади.

Делегациямиз ҳисобига илк олтин медални пара каноэ бўйича аёллар ўртасида VL3 классда финал беллашувларида иштирок этган вакиламиз Шахзода Мамадалиева 58.775 сония натижа

билан маррага биринчи бўлиб етиб келиб тақдим этди.

Икки кун натижаларига кўра, Ўзбекистон делегацияси ҳисобидаги медаллар сони 12 олтин, 12 кумуш ва 14 бронзага етди ва учинчи ўринни эгаллаб турибмиз.

Этиборлиси, мазкур мусобақада илк бор иштирок этган Ўзбекистон пара каноэ терма жамоаси умумжамоа ҳисобида барча 6 та йўналишда ҳам тенгсиз бўлиб, 6 та олтин медаль жамғарган ҳолда биринчи ўриндан жой олди.

Спортчиларимизга бутун мусобақа давомида омад ёр бўлишига ва юртимиз байроғини жаҳон ареналарида баланд тутишига тилакдошимиз.

Олға, Ўзбекистон!

ЎЗЛИГИМИЗ, ДАВЛАТЧИЛИГИМИЗ ТИМСОЛИ



"Ўзбекистон" халқаро анжуманлар саройида Ўзбек тилига давлат тили мақоми берилганлигининг 34 йиллиги ҳамда 21 октябрь – Ўзбек тили байрами кўни муносабати билан тантанали тадбир бўлиб ўтди.

Унда парламент ва ҳукумат вакиллари, турли идора ва ташкилотлар мутасаддилари, олий таълим даргоҳларининг профессор-ўқитувчилари, олимлар, ёзувчи ва шоирлар, маънавият тарғиботчилари, талаба-ёшлар иштирок этди.

Тадбир иштирокчилари дастлаб она тилимизнинг нуфузи, ўзбек тилининг мавқеини юксалтириш борасида олиб борилган ишларни намойиш этувчи кўргазма билан танишишди.

Тантанали тадбир аввалида Президент Шавкат Мирзиёевнинг 21 октябрь – Ўзбек тили байрами кўни муносабати билан Ўзбекистон халқига байрам табригини Президент маслаҳатчиси Хайриддин Султонов ўқиб эшиттирди.

Табриқда таъкидланганидек, она тилимизнинг Бирлашган Миллатлар Ташкилотидек нуфузли тузилма минбаридан

янграши ўзбек тилининг дунё микёсидаги обрўси ва нуфузининг тобора юксалишида, жонажон тилимизни ўрганишга бўлган қизиқишнинг тобора ортишида асосий омил бўлмоқда.

Президентимиз ташаббуси билан она тилимиз ривожига доир миллий қонунчилигимиз янада такомиллашди. Ўзбекистон Республикаси Вазирлар Маҳкамаси ҳузуридаги Ўзбек тилини ривожлантириш жамғармаси самарали фаолият олиб бормоқда.

Мазкур тузилмалар она тилимизни кенг тарғиб этиш, уни ўрганиш, ўзбек тили тараққиёти билан боғлиқ барча ишларни самарали йўлга қўйишга оид турли лойиҳалар, китоб ва луғатлар нашри, тил тарғиботи бўйича жонбозлик кўрсатаётган устозларни рағбатлантириш юзасидан тизимли ишларни олиб бормоқда. Барча вазирлик ва идоралар, ташкилотларда иш юритиш жараёни тўлиқ она тилимизда олиб борилмоқда.

Мамлакатимиздаги етакчи илмий муассасалар, марказларда, шунингдек, Алишер Навоий номидаги Тошкент давлат ўзбек тили ва адабиёти университетида ўзбек тилини наинки мамлакатимиз, балки дунё микёсида тарғиб этиш борасида кенг қамровли ибратли ишлар олиб борилмоқда.

Тадбирда она тилимизни мадҳ этувчи шеърлар янгради. Тантанали тадбирда Ўзбекистонда хизмат кўрсатган маданият ходими, шоир Эшқобил Шукур она тилимизга бағишланган янги шеърини

ўқиб берди.

Шунингдек, байрам тадбирида ўзбек тилининг мавқеини, давлат тили сифатидаги ўрнини мустаҳкамлаб, софлиги ва жозибдорлигини янада ошириш ҳақида сўз юритилди. Она тилимизнинг дунё минбарларида янграётганидан ҳар бир миллатдошимиз фахр-ифтихор ҳиссини туйиб яшаётгани алоҳида эътироф этилди.

"Ўзбек тили жилолари" номли видеолавҳа орқали она тилимиз ривожини йўлида меҳнат қилган устоз ёзувчи ва шоирлар, санъат даргаларининг ижодидан намуналар акс эттирилди.

Тантанали тадбирда мамлакатимизда истиқомат қилаётган турли миллат вакиллари ўзбек тилининг ўз ҳаёти ва тақдирида, ютуқларга эришишдаги аҳамияти хусусида фикрларини билдирди. Шу билан бирга, улкан монитор орқали жаҳоннинг турли мамлакатларида ўзбек тилини тадиққ этаётган олимлар, тилшунос мутахассисларнинг фикр-мулоҳазалари, она тилимизга ҳурмат ва эҳтиромли муносабати онлайн тарзда намойиш этилди.

Байрам тадбирида она тилимизнинг жозибасини кўрсатиб берувчи шеърлар, дилбар куй-қўшиқлар ижро этилди. Чиндан ҳам бу байрам миллийлигимиз, ўзелигимиз, янгиланаётган Ўзбекистонимизнинг маънавий қиёфаси сифатида ҳаётимиздан мустаҳкам ўрин олган айёмдир.

Тадбирда Ўзбекистон Республикаси Олий Мажлиси Сенати Раиси Танзила Норбоева, Олий Мажлис Қонунчилик палатаси Спикери Нуриддинжон Исмоилов иштирок этди.

Тоштемир Худойқулов,
"Ўзбекистон ovozi" мухбири.

ПРЕЗИДЕНТ ҚАРОРИ ИЖРОСИ

ЎНИНЧИ ҚУЁШ ЭЛЕКТР СТАНЦИЯСИ ИШГА ТУШДИ

Энергия худди сув каби ҳаёт ва тараққиёт манбаига айланиб қолди. Айниқса, электр энергиясиз бирон соҳа истиқболлини, бирон самарали кунни тасаввур қилиш қийин. Шунинг учун мамлакатимизда энергия барқарорлигига эришиш, қайта тикланувчи ва "яшил" энергия манбаларини кўпайтириш долзарб вазифа сифатида қўйилган.

Ўзбекистон Республикаси Президентининг 2023 йил 16 февралда "2023 йилда қайта тикланувчи энергия манбаларини ва энергия тежовчи технологияларни жорий этишни жадаллаштириш чора-тадбирлари тўғрисида"ги қарори қабул қилинди.



Мазкур қарор билан шу йил давомида Бухоро шаҳрида энергия тақчиллигини бартараф этиш мақсадида ташкилот ва корхоналар кесимида манзилли рўйхат ва режалар белгиланган.

Қарор доирасида Бухоро нефтни қайта ишлаш заводида қайта тикланувчи энергия манбаларидан фойдаланишни кенгайтириш мақсадида корхона объектларида қуёш электр станциясини (ҚЭС) ўрнатиш бўйича кенг қўламли ишлар амалга оширилмоқда.

Хусусан, ҳар бирининг қуввати 150 kW бўлган иккита қуёш электр станцияси ишга туширилди ва қуёш электр станциясининг самарали ишлаши учун объектларга тармоқ инверторлари ўрнатилди. Натижада тармоқ электр энергияси муқобил энергия манбаларига алмаштирилади. Кундузи электр энергиясининг асосий манбаи сифатида 150 kW қувватга эга қуёш электр станциясидан фойдаланилмоқда.

Қайд этиш жоизки, Бухоро НКҚЗНИ ривожлантириш стратегиясида "яшил" энергия ва энергияга тежамкор технологияларни янада фаол жорий этиш кўзда тутилган.

Йил охиригача заводда камида 6 мингта қуёш батареяси ўрнатиш режалаштирилган, бу эса қарийб 3000 kWh қўшимча электр энергияси демакдир.

Акбар ФАЗИЛОВ,
халқ депутатлари Бухоро вилоят
Кенгашидаги ЎзХДП гуруҳи аъзоси.

ЭЪЛОН

ЎЗБЕКИСТОН ДАВЛАТ ХОРЕОГРАФИЯ АКАДЕМИЯСИ ВАКАНТ ЎРИНЛАРГА ТАНЛОВ ЭЪЛОН ҚИЛАДИ

1. "Хореография педагогикаси" кафедраси ўқитувчиси (1 ўрин)
2. "Хореография педагогикаси" кафедраси катта ўқитувчиси (1 ўрин)
3. "Хореография жамоалари раҳбари" кафедраси катта ўқитувчиси (1 ўрин)

ТАНЛОВДА ИШТИРОК ЭТИШ УЧУН ҚУЙИДАГИ ҲУЖАТЛАР ТАҚДИМ ЭТИЛИШИ ЛОЗИМ:

1. Ректор номига ариза.
2. Ходимнинг шахсий варақаси.
3. Маълумоти, илмий даражаси, илмий унвони ҳақидаги диплом нусхалари.
4. Паспорт нусхаси.
5. Илмий ишлар рўйхати (илмий котиб томонидан тасдиқланган ҳолда).
6. Малака оширганлиги тўғрисидаги гувоҳнома нусхаси.
7. Меҳнат дафтарчасининг нусхаси.

Ҳужжатлар эълон чиққан кундан бошлаб 1 ой муддатда қабул қилинади.

Манзил: 100011, Тошкент шаҳри, Юсуф Хос Ҳожиб кўчаси, 103-уй.
Телефонлар: 71 215-55-94, 71 215-56-98.

МУАССИС:

O'zbekiston ovozi

TAHRIR HAY'ATI:

Ulug'bek INOVATOV Muslihidin MUHIDDINOV
Ulug'bek VAFOYEV Hayotxon ORTIQBOYEVA
Maqsuda VORISOVA Shuhrat ISLOMOV
Qalandar ABDURAHMONOV Toشتهмир XUDYOYQULOV
Guliston ANNAQILICHEVA

Bosh muharrir: To'liqin TO'RAXONOV

MANZILIMIZ: 100135, Toshkent, Bunyodkor shoh ko'chasi, 50 «A»-uy.

Телефонлар: (71) 239-12-14

Реклама бўлими: (91) 190-19-49. E-mail: uzbovozi@mail.ru

«Sharq» nashriyot-matbaa aksiyadorlik kompaniyasi bosmaxonasida chop etildi.
Korxonada manzili: Buyuk Turon ko'chasi, 41-uy.
Gazeta ofset usulida, A-2 formatida bosildi. Hajmi — 4 bosma taboq.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

Navbatchi: Ravshan SHODIYEV
Sahifalovchi: Bekzod ABDUNAZAROV

Г — 1036. 6766 nuxxada bosildi. O'za yakuni — 01:00
Nashr ko'rsatkichi — 220. Topshirilgan vaqti — 01:30

t — Tijorat materiallari 1 2 3 4 5 6

Sotuvda kelishilgan narxda

Gazeta haftaning chorshanba kuni chiqadi. «O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.